

唐書

紀七之十


52
3
3

東 京 圖 書 館				
漢書門	正史類	別函	一	架
			二	號
			五	冊

漢書門				
類	號	函	五九六	一
			五	冊

内閣文庫		
漢書	五九六	一
	五	冊
三〇	函	一四

内閣文庫	
番號	漢 5960
冊數	50 (4)
函號	320. 34



糊などで貼り付けられている部分がめくれない箇所あり
綴じ部(喉部分)の文字など開きが不鮮明な箇所あり



本紀第七

唐書七

歐陽脩奉

勅撰文庫

德宗神武聖文皇帝諱适代宗長子也母曰睿真皇太后
 沈氏初沈氏以開元末選入代宗宮安祿山之亂玄宗避
 賊于蜀諸王妃妾不及從者皆為賊所得拘之東都之掖
 廷代宗克東都得沈氏留之宮中史思明再陷東都遂失
 所在肅宗元年建丑月封德宗奉節郡王代宗即位史朝
 義據東都乃以德宗為天下兵馬元帥進封魯王八月從
 封雍王寶應元年十月也于陝州諸將進擊史朝義敗之
 朝義走河北遂克東都十一月史朝義死幽州守將李懷



仙斬其首來獻河北平以功兼尚書今與功臣郭子儀李光弼等皆賜鐵券圖形凌雲閣廣德二年二月立為皇太子大曆十四年五月辛酉代宗崩癸亥即皇帝位于太極殿閏月甲戌帝幸西宮少尹以河南少尹崔祐甫為門下侍郎同中書門下平章事丙子罷諸州府及新羅渤海貢鷹鷄皮與龍山南貢枇杷江南甘橘非供宗廟者辛巳罷邕府歲貢奴婢突不罷和闐樂工三百入劍南貢生春酒甲申郭子儀為尚父兼太尉中書令丙戌罷獻祥瑞貢器以金銀飾者還之丁亥出宮人放舞象三十有二于荆山之陽六月己亥大赦賜文武官階爵民為戶者古爵一級減乘輿服御士庶田宅車服踰制者有司為立法度禁百官置邸販鬻武德至德將相有功者子孫予官庚子進封子宣城郡王誦為宣王封子謨為舒王諶通王諒虔王詳肅王謙資王乙巳封弟姪為益王迅隋王遂蜀王丙午詔六品以上消望宮日二人特制癸丑命皇族五等以上居四方者家一人赴山陵己未罷揚州首鏡幽州首麝癸亥舉可刺史京令者七月戊辰朔日有食之庚午弛邕州金坑禁辛卯罷雄州八月甲辰廣州司馬楊炎為門下侍郎懷州刺史喬琳為御史大夫丙申書門下平章事乙巳還吐蕃俘十月丁酉吐蕃雲南蠻寇黎茂文扶四州鳳

翔節度使牙泚金吾衛大將軍曲環敗之于七盤城己酉
葬睿文孝皇帝于元陵戊午龍九出宮貢之獸炭襄州
蔗藟工辛酉以沙苑麥禾三千給貧民十一月壬午喬琳
罷十二月乙卯立宣王諱晟太子諱寅晦日有食之

建中元年正月丁卯改元羣臣上尊號曰聖神文武皇帝
己巳朝獻于太清宮庚午朝享于太廟辛未有事于南郊
大赦賜文武官階勳爵遣黜陟使于天下賜子爲父後者
勳兩轉二月丙申初定兩稅四月乙未四鎮北庭行軍別
駕劉文喜反于涇州伏誅己亥地震六月甲午崔祐甫薨
七月丙寅王國良降己丑殺忠州刺史劉晏八月丁巳遙

尊母沈氏爲皇太后九月己卯雷庚寅睦王述爲奉迎皇
太后使是冬無雪黃河滹沱易水溢

二年正月戊辰成德軍節度使李寶臣卒其子惟岳自稱
留後幽州盧龍軍節度使朱滔討之魏博節度使田悅反
神策都虞候李晟河東節度使馬燧昭義軍節度使李抱
真河陽節度副使李芄討之永平軍節度使李勉爲汴滑
陳懷鄭汝陝河陽三城宋亳穎節度都統二月乙巳御史
大夫盧杞爲門下侍郎同中書門下平章事乙卯振武軍
亂殺其使彭令芳及監軍劉惠光丁巳發兵屯關東誓師
于望春樓山南東道節度使梁崇義反五月京師雨雹庚

申置待詔官二十人六月癸亥太白關于東井癸巳淮寧
軍節度使李希烈為漢南漢北兵馬招討使以討梁崇義
辛丑郭子儀薨七月庚申楊炎罷檢校尚書右僕射侯希
逸為司空前永平軍節度使張鎰為中書侍郎同中書門
下平章事侯希逸薨癸未馬燧李抱真及田悅戰于臨洛
敗之八月劍南西川節度使張延賞東川節度使王叔
昌山南東道節度使賈耽荆南節度使李昌巽陳少游討梁
崇義以李希烈為諸軍都統辛卯平盧軍節度使李正己
卒其子納自稱留後壬子梁崇義伏誅九月李納陷宋州
李惟岳將張孝忠以易定二州降壬戌賜立功士卒帛粟
崖州三島楊炎

死事家三歲十月戊申李納將李洎以徐州降十一月卒
西納寇徐州宣武軍節度使劉洽敗之于七里溝丁丑馬
燧及田悅戰于雙岡敗之甲申李納將王浹以海州降十
二月丁酉馬燧通以密州降馬燧為魏博招討使是歲殺
三年三月丙寅朱滔為河東軍節度使張孝忠及李惟岳戰
于東鹿救之辛未滅常璩太子諸王食物復推訕癸未
李納陷海州二月乙未李惟岳知以趙州降
甲辰惟岳伏誅其將楊榮國以深州降戊戌馬燧及田悅
戰于滎水救之是月悅將李再春以滑州降田昂以洛州

降二月戊午李惟岳將楊政義以定州甲戌給復易定
深趙恒冀六州三年赦吏民為李惟岳迫脅者已卯震通
北門四月戊午李納將李士真以德棣二州降甲子借商
錢甲戌召義軍節度副使盧玄卿為魏博澶相招討使戊
寅張鑑罷壬午赦殿中侍御史鄭詹是月朱滔反昭德棣
二州五月辛卯朔方軍節度使李懷光討田悅六月甲子
京師地震恒冀觀察使王武俊反辛巳李懷光馬蹙李茂
李抱真及朱滔王武俊田悅戰于連篋山敗績七月壬辰
殿中丞李雲端謀反伏誅癸巳借借商錢令八月癸丑演
州司馬李孟秋峯州刺史皮岸反伏誅九月丁亥初稅商

錢茶漆竹木十月丙辰吏部侍郎關播為中書侍郎同平

書門下平章事李希烈反丙子肅王詳薨

四年正月丁亥鳳翔節度使張鑑及吐蕃尚結贊盟于清

水庚寅李希烈陷汝州執刺史李元平戊戌東都汝行營

節度使哥舒曜討李希烈二月丁卯克汝州三月辛卯李

希烈寇鄂州刺史李兼敗之丁酉刺南節度使張伯儀及

李希烈戰于安州敗績四月庚申李勉為淮西招討處置

使哥舒曜副之張伯儀為淮西應接招討使賈耽江南西

道節度使嗣曹王臯副之甲子京師地震生毛丙子哥舒

曜及李希烈戰于穎橋敗之五月辛巳京師地震乙酉穎

王敷薨乙未劉洽為淄青兗鄆招討制置使六月庚戌稅
屋間架筭除陌錢丁卯從封逾為丹王濤簡士七月馬燧
為魏博澶相節度招討使壬辰盧杞關播李忠臣及吐蕃
區頰贊盟于京師八月丁未李希烈寇襄城乙卯希烈將
曹季昌以隋州降庚申有星隕于京師九月丙戌神策軍
行營兵馬使劉德信及李希烈戰于扈澗敗績庚子舒王
謨為荆襄江西沔鄂節度諸軍行營兵馬都元帥從封普
王十月涇原節度使姚令言反犯京師戊申如奉天朱泚
反庚戌泚殺司農卿段秀實及左驍衛將軍劉海賓鳳翔
後營將李楚琳殺其節度使張鎰自稱留後癸丑李希烈
陷襄城宣武軍兵馬使高翼死之甲寅朱泚殺涇原節度
都虞候何明禮乙卯殺尚書右僕射崔寧丁巳戶部尚書
蕭復為吏部尚書吏部郎中劉從一為刑部侍郎京兆府
戶曹參軍翰林學士姜公輔為諫議大夫同中書門下平
章事朱泚犯奉天禁軍敗績于城東辛酉靈鹽節度留後
杜希全獻坊節度使李建徽及朱泚戰于漠谷敗績癸亥
劉德信及泚戰于忠子陵敗之甲子行在都虞候渾瑊及
泚戰于城下敗之左龍武軍大將軍呂希倩死之乙丑將
軍高重誥死之丙子商州軍亂殺其刺史謝良輔十一月
劫南西川兵馬使張勣逐其節度使張延賞勣伏誅癸巳

李懷光反朱泚亂于唐唐敗之懷光為中書令朔方邠寧
同華陝鎮河中三鎮悉隸行營兵馬副元帥十二月朱泚
陷華州壬戌敗盧杞為新州司馬庚午李希烈陷汴鄭二
州

興元元年正月癸酉大赦改元去聖神文武號復李希烈
正悅王武俊李納官爵赴奉天收京城將士有罪減三等
子孫減二等在行營者賜勳五轉賜文武官階勳爵罷間
架竹木茶漆稅及除陌錢給復奉天五年城中十年闢播
罷丙戌吏部侍郎盧翰為兵部侍郎同中書門下平章

戊子蕭復為山南東西荆湖淮南江西鄆岳浙江東西福
建嶺南宣慰安撫使戊戌劉洽為汴滑宋亳都統副使二

月甲子李懷光為太尉懷光反丁卯如梁州懷光將孟庭
保以兵來追左衛大將軍侯仲莊敗之于驛店三月李懷

光奪鄜坊京畿金商節度使李建徽神策軍兵馬使陽惠
元兵惠元死之癸丑魏博兵馬使田緒殺其節度使田悅

自築宮後丁卯李懷光殺上左衛兵馬使張名振右武鋒兵
馬使石涼公丁亥太子昌胤為太監一滑北鄜坊丹延節度招討

使神策行營兵馬使尚書右丞高崇文京畿渭南商州節度
招討使壬子次癸丑丁酉高崇文知汴滑宋亳都統兵馬

事己亥渾瑊為朔方邠寧同華武永平奉天行營兵馬副元

隋四月李懷光為汾州甲... 武成為京畿... 高華兵馬
副九帥甲寅姜公... 罷涇原兵馬使... 布... 其節度使
馮河清自稱留後... 乙丑渾瑊及朱滔戰于武... 州敗之...
卯義... 是月功州刺史... 觀京... 坊州... 五月癸酉涇王
從慶... 李抱真... 武俊... 朱滔戰于經城... 之壬辰尚
可孤... 朱泚戰于... 監田之... 敗之乙未李晟又敗之于苑
北戊戌又敗之于白華復... 師六月癸卯姚令言伏誅甲
辰朱泚伏誅... 李晟為... 從中書令癸丑以梁州為興
元... 給復一年... 耆老加版授甲寅渾瑊為侍中己巳給復
洋州一年加給興元一年免鳳州... 歲稅父老加版授七
丙子次鳳翔免今歲秋稅八十以上版授刺史餘授上
佐丁丑葬宗室遇害者壬午至自興元丁亥李懷光殺宣
慰使孔巢父辛卯大赦賜百官將士階勳爵收京城者升
八資給復京兆府一年是月賜曹王臯及李希烈戰于應
山敗之八月癸卯李晟為鳳翔隴右諸軍涇源四鎮北庭
行營兵馬副元帥馬燧為晉慈隰諸軍行營兵馬副元帥
渾瑊為河中同絳陝虢諸軍行營兵馬副元帥丙午渾瑊
兼朔方行營兵馬副元帥己酉延王玢隋王迅薨十月辛
丑李勉檢校司徒同中書門下平章事閏月戊子李希烈
將李澄以滑州降十一月癸卯劉洽邠隴行營節度使曲

嘉靖戊午年... 監生陶倫刊

唐書卷七
環及李希烈戰于陳州敗之戊午克汴州乙丑蕭復罷十
二月乙酉渾瑊及李懷光戰于乾坑敗績是歲陳王珪薨
貞元元年正月丁酉大赦改元罷權稅三月李懷光殺步
軍兵馬使田仙浩都虞候呂鳴岳丁未李希烈陷鄧州殺
唐鄧隋招討使黃金岳是春旱四月乙丑徙封誼為舒王
壬午渾瑊及李懷光戰于長春宮敗之丙戌馬燧渾瑊為
河中招撫使六月己丑幽州虜龍軍節度使朱滔卒涿州
刺史劉怱自稱留後辛卯劔南西川節度使張延賞為中
書侍郎同中書門下平章事戊子馬燧及李懷光戰于陶
城敗之七月灞澁竭庚子大風拔木八月襲封配饗功臣

子孫甲子以旱迨正鐵山賊賊甲戌李懷光伏誅已卯

河中同絳二州一年馬燧為侍中張延賞罷丙戌李希

殺宣慰使顏真卿九月丁亥劉從一罷庚申幽州虜龍

節度使劉怱卒其子濟公稱留後是秋雨水冰十一月癸

卯有事于南郊大赦賜士卒天興元扈從百官及京將士階

勳爵

二年正月丙子詔減御膳之半賜貧乏者授以官壬寅盧

翰罷吏部侍郎劉滋為上書常侍給事中崔造中書舍

人齊映同中書門下平章事二月癸亥山南東道節度使

樊澤及李希烈戰于泌一敗之四月丙寅希烈伏誅甲戌

雨土甲申終獲淮西
降已酉地震六月癸
稱觀察留後長有淮
奇曰稱留後七月李
降八月丙子大雨雹
丁丑冠好時李晟敗之
丁丑陽十月癸酉寧
皇太后崩三月吐蕃
銀麟勝使庚申
罷甲戌以吐蕃寇邊
正殿

壬子劉滋罷貶齊映為夔州刺史兵部侍郎柳渾同中書
門下平章事二月己卯華州潼關節度使駱元光克鹽夏
二州甲申葬昭德皇后于靖陵三月丁未李晟為太尉辛
亥馬燧罷副元帥五月揚州江溢吳少誠殺申州刺史張
伯元殿中侍御史鄭常閏月辛未渾瑊及吐蕃盟于平涼
吐蕃執會盟副使兵部尚書崔漢衡殺判官殿中侍御史
韓弁戊寅太白晝見六月吐蕃寇鹽夏二州丙戌馬燧為
司徒前陝虢觀察使李泌為中書侍郎同中書門下平章
事七月甲子朔方節度使杜希全為朔方靈鹽豐夏綏銀
節度都統壬申張延賞薨八月辛巳朔日有食之己丑柳

嘉靖戊午年

監生陶鑰刊

渾罷戊申吐蕃寇青石嶺隴州刺史蘇清沔敗之庚戌禁
大馬出蒲潼武關九月丁巳吐蕃寇汧陽丙寅陷華亭及
連雲堡十月甲申寇豐義韓游瓌敗之乙酉寇長武城城
使韓全義敗之壬辰射生將韓欽緒謀反伏誅十一月己
卯京師東都河中地震十二月庚辰獵于新店

四年正月庚戌朔京師地震大赦刺史予一子官增戶墾
田者加階縣令減選九品以上官言事壬申劉玄佐爲四
鎮北庭行營涇原節度副元帥是月金房二州地震江溢
山裂雨水冰于陳留四月河南淮海地生毛己亥福建軍
逐其觀察使吳誥大將郝誠溢自稱留後五月吐蕃寇涇

邠寧慶鄜五州六月己亥封子諫爲邕王七月庚戌渾城
爲邠寧慶副元帥癸丑寧州軍亂邠寧都虞候楊朝晟敗
之己未奚室韋寇振武是月河水黑八月灞水溢九月庚
申吐蕃寇寧州邠寧節度使張獻甫敗之冬築夾城是歲
京師地震二十

五年正月甲辰朔日有食之二月庚子大理卿董晉爲門
下侍郎御史大夫竇參爲中書侍郎同中書門下平章事
三月甲辰李德裕身吐蕃寇長武城韓全義敗之于佛堂
原九月丙午劔南西川節度使韋皋敗吐蕃于吉靈登北谷
克嵩州十月嶺南節度使李愬克瓊州

六年春三月己卯詔常參官畿縣令言事免京兆府
夏稅八月辛丑殺皇太子妃蕭氏十一月戊辰朝獻于太
清宮己巳朝享于太廟庚午有事于南郊賜文武官階爵
降囚罪徒以下原之姦戰亡無骨者是歲吐蕃陷北庭都
護府節度使楊襲古奔于西州

七年正月己巳襄王橫薨四月安南首領杜英翰反伏誅
五月甲申端王遇薨九月回鶻殺楊襲古十一月戊戌睦
王述薨是冬無雪

八年二月庚子雨土三月甲申宣武軍節度使劉玄佐卒
其子士寧自稱留後四月吐蕃寇靈州丁亥殺左諫議大
夫知制誥吳通玄乙未貶竇參爲郴州別駕尚書左丞趙
憬兵部侍郎陸贄爲中書侍郎同中書門下平章事五月
己未大風發太廟屋瓦癸酉平盧軍節度使李納卒其子
師古自稱留後六月淮水溢吐蕃寇連雲堡大將王進用
死之九月丁巳韋皋及吐蕃戰于維州敗之十一月壬子
朔日有食之庚午山南西道節度使嚴震及吐蕃戰于黑
水堡敗之是月州盧龍軍節度使劉濟及其弟瀛州刺
史漣戰于瀛州瀣敗奔于京師十二月甲辰徼于城東
九年正月癸卯復稅茶四月辛酉關隴河中地震五月甲
辰義成軍節度使賈耽爲尚書右僕射尚書左丞盧邁同

中書門下平章事丙午董晉罷八月庚戌李德裕薨十一月
癸未朝獻于太清宮甲申朝享于太廟乙酉有事于南郊
大赦十二月丙辰宣武軍將李萬榮逐其節度使劉士寧
自稱留後

十年正月壬辰南詔蠻敗吐蕃于神川來獻捷四月癸卯
朔赦京城戊申地震癸丑又震是月太白晝見六月丙寅
韋壘敗吐蕃克峨和城自春不雨至于是月辛未兩大風
拔木七月西原蠻叛八月陷欽橫濤貴四州十月昭義軍
節度留後王虔休及攝洛州刺史元誼戰于雞澤敗之十
二月丙辰獠于城南壬戌敗陸贄爲太子賓客

十一年四月丙寅奚寇平州劉濟敗之于青都山五月庚
午中書門下慮囚八月辛亥馬燧薨九月橫海軍兵馬使
程懷信逐其兄節度使懷直自稱留後十月朗蜀二州江
溢十二月戊辰獠于城內

十二年二月己卯吐蕃寇雋州刺史曹高仕敗之三月丙
辰韶王暹薨四月庚午魏博節度使田緒卒其子季安自
稱留後六月己丑宣武軍節度使李萬榮卒其子迺自稱
兵馬使伏誅七月戊戌韓王迺薨八月己未朔日有食之
丙戌趙憬薨九月吐蕃寇慶州十月甲戌右諫議大夫崔
損給事中趙宗儒同中書門下平章事

十三年正月三寅吐蕃請和四月辛酉以旱慮囚壬戌雩
于興慶宮五月丁酉吐蕃寇靈州高仁致之庚戌義寧
軍亂殺其將常焚客七月乙未京師地震九月己丑盧萬
罷

十四年三月丙申鳳翔監軍使西明去奢殺其將夏侯行
五月己酉始雷閏月辛亥有星隕于西北辛酉長武城軍
亂逐其使韓全義六月丙申歸化堡軍亂逐其將張國誠
涇原節度使劉昌敗之七月壬申趙宗儒罷工部侍郎鄭
餘慶為中書侍郎同中書門下平章事九月丁卯杞王倓
薨十二月壬寅明州將乘鏗殺其刺史盧雲以反是冬無

豐京師饑

十五年正月甲寅雅王逸薨壬戌郴州藍山崩二月乙酉
宣武軍亂殺節度行軍司馬陸長源宋州刺史劉詭淮自
稱留後二月甲寅彰義軍節度使吳少誠反陷唐州守將
張嘉瑜死之四月乙未粟鏗伏誅九月乙巳陳許節度留
後上官浣少誠戰于臨穎敗績丙午少誠寇許州庚
戌宣武軍節度使劉全誣卒都知兵馬使韓弘自稱留後
丙辰宣武河陽鄭滑東都成德幽州淄青魏博易定澤
潞河東淮南徐泗山南東西鄂岳軍討吳少誠十月己丑
邕王諒薨十一月丁未山南東道節度使于頔及吳少誠

初于吳房敗之陳許節度使上官況又敗之于柴籬辛亥
黃節度使伊慎又敗之于鍾山十二月庚午壽州刺史
王宗又敗之于秋柵辛未渾瑊薨乙未諸道兵潰于小澗
河

十六年正月乙巳易定兵及吳少誠戰敗績二月乙酉鹽
夏緞銀節度使韓全義為蔡州行營招討處置使上官況
副之四月丁亥黔中宴設將傳近逐其觀察使吳士宗五
月庚戌韓全義及吳少誠戰于廣利城敗績壬子徐泗濠
節度使張建封卒其子愔自稱知軍事七月丁巳伊慎及
吳少誠戰于申州敗之己未韋皋克吐蕃末恭城丙寅韓
全義及吳少誠戰于五樓敗績八月劉濟及其弟涿州刺
史源戰于涿州源敗執之己丑殺遂州別駕崔位韋皋克
吐蕃顯城九月庚戌敗鄭餘慶為郴州司馬庚申太常卿
齊抗為中書侍郎同中書門下平章事十月辛未殺通州
別駕崔河圖是歲京師饑

十七年二月丁酉大雨雹己亥霜乙巳韋皋及吐蕃戰于
鹿危山敗之戊申大雨雹震電庚戌大雪雨雪五月壬戌
朔日有食之六月丙申寧州軍亂殺其刺史劉南金己亥
浙西觀察使李錡殺上封事人崔善員丁巳成德軍節度
使王武俊卒其子士真自稱留後七月隕霜殺叔戊寅吐

蕃寇鹽州己丑陷麟州刺史郭鋒死之九月乙亥韋臯敗吐蕃于雅州克木波城是歲嘉王運薨

十八年七月乙亥罷正衙奏事十二月環王陷驩愛二州十九年二月己亥安南將王季元逐其經略使裴泰兵馬使趙均敗之三月壬子淮南節度使杜佑檢校司空同中書門下平章事七月己未燕祝罷自正月不雨至于是月甲戌兩閏十月庚戌鹽州將李庭俊反伏誅丁巳崔損薨十二月庚申太常卿高郢為中書侍郎吏部侍郎鄭珣瑜為門下侍郎同中書門下平章事

二十年二月庚戌大雨雹七月癸酉大雨雹冬兩木冰

二十一年正月癸巳皇帝崩于會寧殿年六十四

順宗至德弘道大聖大安孝皇帝諱誦德宗長子也母曰昭德皇后王氏始封宣城郡王大曆十四年六月進封宣王十二月乙卯立為皇太子為人寬仁喜學藝善隸書禮重師傅見輒先拜從德宗幸奉天常執弓矢居左右部國公主以蠱事得罪太子妃其女也德宗疑之幾廢者屢矣賴李泌保護乃免後侍宴魚藻宮張水嬉綵艦宮人為權歌眾樂間發德宗驩甚顧太子曰今日何如太子誦詩好樂無荒以為對及裴延齡韋渠牟用事世皆畏其為相太子每候顏色陳其不可故二人者卒不得用貞元二十年

太子病風且瘖二十一年正月不能朝是時德宗不豫諸王皆侍左右惟太子卧病不能得見德宗悲傷涕泣疾有加癸巳德宗崩丙申即皇帝位于太極殿二月癸卯朝羣臣于紫宸門辛亥吏部侍郎董執誼為尚書左丞同中書門下平章事甲子大赦罷宮市民百歲版授下州刺史婦人郡君九十以上上佐婦人縣君乙丑罷鹽鐵使月進三月庚午放後宮三百人癸酉放後及教坊女妓六百人癸巳立廣陵郡王純為皇太子四壬寅封弟諤為欽王誠珍王進封子建康郡王經鄴王川郡王緯均王臨淮郡王縱淑王弘農郡王紆莒王漢郡王綱密王晉陵郡王王總鄒王高平郡王約邳王雲安郡王結宋王宣城郡王緇集王德陽郡王綵冀王河東郡王綺和王封子絢為衡王纁會王紹福王紘撫王緄岳王紳袁王綸桂王纁翼王戊申以冊阜太子降死罪以下賜文武官子為父後者勳兩轉七月辛卯橫海軍節度使程懷信卒其子執恭自稱留後乙未皇太子權旬當軍國政事太常卿杜黃裳為門下侍郎左金吾衛大將軍袁滋為中書侍郎同中書門下平章事鄭瑄高郢罷○永貞元年八月庚子立皇太子為皇帝自稱曰太上皇辛丑改元降死罪以下立良娣王氏為太皇太后元和元年正月皇帝率羣臣上尊號曰應

乾聖壽太上皇是月崩于咸寧殿年四十六諡曰至德大
聖大安孝皇帝大中三年增諡至德弘道大聖大安孝皇
帝

憲宗昭文章武大聖至神皇帝諱純順宗長子也母曰
莊憲皇太后王氏貞元四年六月己亥封廣陵郡王二十
一年三月立為皇太子永貞元年八月順宗詔立為皇帝
乙巳即皇帝位于太極殿丁未始聽政庚戌罷獻祥瑞祭
丑劔南西川節度使韋皋卒行軍司馬劉闢自稱留後戊
午天有聲于西北己未袁滋為劔南西川山南西道安撫
大使癸亥尚書左丞鄭餘慶同中書門

平章事

已罷教坊樂工正員官十月丁酉為曾太皇太后舉哀賈
耽薨戊戌舒王誼薨袁滋罷己酉葬神武聖文皇帝于崇
陵十一月己巳祔睿真皇后于元陵寢宮壬申貶蕭執誼
為崖州司馬夏綏銀節度留後楊惠琳反十二月壬戌中
書舍人鄭絀為中書侍郎同中書門下平章事

元和元年正月丁卯大赦改元賜文武官階勳爵民高年
者米帛羊酒癸未長武城使高崇文為左神策行營節度
使率左右神策京西行營兵馬使李元奕山南西道節度
使嚴礪劔南東川節度使李康以討劉闢甲申太上皇崩
劉闢陷梓州執李康三月丙子高崇文克梓州辛巳楊惠

琳伏誅四月丁未杜佑爲司徒壬戌邵王約薨初令尚書省六品諸司四品以上職事官太子師傅賓客詹事王府傅日二人待制五月辛卯尊母爲皇太后六月癸巳降死罪以下賜百姓有父母祖父母八十以上者粟二斛物二段九十以上粟三斛物三段丙申大風拔木丁酉高崇文及劉闢戰于鹿頭柵敗之癸卯嚴礪又敗之于石碑谷閏月壬戌平盧軍節度使李師古卒其弟師道自稱留後七月壬寅葬至德大聖大安孝皇帝于豐陵癸丑高崇文及劉闢戰于玄武敗之八月丁卯進封子平原郡王寧爲鄧王同安郡王寬澧王延安郡王宥遂王彭城郡王察深王高密郡王寰洋王文安郡王察絳王封子審爲建王九月丙午嚴礪及劉闢戰于神泉敗之辛亥高宗文克成都十月甲子滅劔南東西川山南西道今歲賦釋脅從將吏葬陣亡者稟其家五歲戊子劉闢伏誅十一月庚戌鄭餘慶罷是歲召王德壽

二年正月己丑獻于太清宮庚寅朝享于太廟辛卯有事于南郊大赦賜文武官勳賞又宣公二王後三恪公主諸王一子官高年米帛羊酒加版授乙巳杜黃裳罷己酉御史中丞武元衡爲門下侍郎中書舍人李吉甫爲中書侍郎同中書門下平章事二月己巳罷兩省官次對癸酉

邕管經略使路恕敗黃洞蠻執其首領以承慶九月乙酉
密王綢薨十月鎮海軍節度使李錡反殺留後王澹乙丑
淮南節度使王鐸為諸道行營兵馬招討使以討之丁卯
武元衡罷癸酉鎮海軍兵馬使張子良執李錡己卯免潤
州今歲稅十一月甲申李錡伏誅十二月丙寅劍南西川
節度使高崇文為邠寧節度京西諸軍都統

三年正月癸巳羣臣上尊號曰睿聖文武皇帝大赦罷諸
道受代進奉錢三月癸巳郇王總薨四月壬申大風壞合
元殿西闕檻六月西原蠻首領黃少卿降七月辛巳朔日
有食之九月庚寅山南東道節度使于頔為司空同中書
門下平章事丙申戶部侍郎裴垕為中書侍郎同中書門
下平章事戊戌李吉甫罷

四年正月壬午免山南東道淮南江西浙東湖南荆南今
歲稅戊子簡王濬薨二月丁卯鄭絪罷給事中李藩為門
下侍郎同中書門下平章事三月乙酉成德軍節度使王
士真卒其子承宗自稱留後閏月己酉以旱降京師死罪
非殺人者禁刺史境內樵採諸道言條外進獻嶺南黔中
福建掠良民為奴婢者省飛龍殿馬己未雨丁卯立鄧王
寧為皇太子七月癸亥吐蕃請和八月丙申環王寇安南
都護張舟敗之十月辛巳成德軍節度使王承宗反執保

信軍節度使薛昌朝癸未左神策軍護軍中尉吐突承璀
為左右神策河陽浙西宣歙鎮州行營兵馬招討處置使
以討之戊子承璀為鎮州招討宣慰使癸巳降死罪以下
賜文武官子為父後者勳兩轉十一月己巳彰義軍節度
使吳少誠卒其弟少陽自稱留後

五年正月己巳左神策軍大將軍鄺定進及王承宗戰死
之三月甲子大風拔木四月丁亥河東節度使范希朝義
武軍節度使張茂昭及王承宗戰于木刀溝敗之七月丁
未赦王承宗乙卯幽州盧龍軍節度使劉濟卒其子總自
稱留後九月丙寅太常卿權德輿為禮部尚書同中書門
下平章事十月張茂昭以易定二州歸于有司辛巳義武
軍都虞候楊伯玉反伏誅是日義武軍兵馬使張佐元反
伏誅十一月甲辰會王縝薨庚申裴拍罷

六年正月庚申淮南節度使李吉甫為中書侍郎同中書
門下平章事二月壬申李藩罷己丑忻王造晷三月戊戌
有星隕于鄆州十二月己丑戶部侍郎李絳為中書侍郎
同中書門下平章事閏月辛卯辰淑州首領張伯靖反寇
播魯二州辛亥皇太子薨

七年正月癸酉振武河溢毀東受降城四月癸巳詔民田
晦樹桑二六月癸巳杜佑罷七月乙亥立遂王宥為皇太

子八月戊戌魏博節度使田季安卒其子懷諫自稱知軍
府事九月京師地震十月乙未魏博軍以田季安之將田
興知軍事庚戌降死罪以下賜文武官子爲父後者勲兩
轉是月魏博節度使田興以六州歸于有司十一月辛酉
赦魏博員衛澶相六州給復一年賜高年孤獨廢疾粟帛
賞軍士

八年正月辛酉不權德輿罷二月丁酉貶于頔爲忠王傅三
月甲子劔南西川節度使武元衡爲門下侍郎同中書門
下平章事四月己亥黔中經略使崔能討張伯靖五月癸
亥荆南節度使嚴綬討伯靖丁丑大隗山崩六月辛卯渭
水溢辛丑出宮人七月己巳劔南東川節度使潘孟陽討
張伯靖八月辛巳湖南觀察使柳公綽討伯靖丁未伯靖
降十二月庚寅振武將楊遵憲反逐其節度使李進賢
九年二月癸卯李絳罷三月丙辰嵩州地震丁卯隕霜殺
桑五月乙丑桂王綸薨癸酉以旱免京畿夏稅六月壬寅
河中節度使張弘靖爲刑部尚書同中書門下平章事閏
八月丙辰彰義軍節度使吳少陽卒其子元濟自稱知軍
事九月丁亥山南東道節度使嚴綬忠武軍都知兵馬使
李光顏壽州團練使李文通河陽節度使烏重胤討之十
月太白晝見丙午李吉甫薨甲子嚴綬爲中光祿招撫使

十一月戊子罷京兆府獺獻狐充十二月詔刑部大理官
朔望入對戊辰尚書右丞韋貫之同中書門下平章事

十年正月乙酉宣武軍節度使韓弘為司徒二月甲辰嚴
綬及吳元濟戰于磁立敗績自冬不雨至于是月丙午雪
壬戌河東戍將劉輔殺豐州刺史燕重旰伏誅三月庚子
忠武軍節度使李光顏及吳元濟戰于臨潁敗之四月甲
辰又敗之于南頓五月丙申又敗之于時曲六月癸卯盜
殺武元衡戊申京師大索乙丑御史中丞裴度為中書侍
郎同中書門下平章事七月甲戌王承宗有罪絕其朝貢
八月己亥朔日有食之丁未李師道將警嘉珍反于東都

留守呂元膺敗之乙丑李光顏及吳元濟戰于時曲敗績
九月癸酉韓弘為淮西行營兵馬都統十月地震十一月
壬申李光顏烏重胤及吳元濟戰于小澗河敗之丁丑李
文通又敗之于固始戊寅盜焚獻陵寢宮十二月甲辰武
寧軍都押衙王智興及李師道戰于平陰敗之是歲丹王
逾薨

十一年正月己巳張弘靖罷乙亥幽州盧龍軍節度使劉
總及王承宗戰于武彊敗之癸未免鄰賊州二歲稅甲申
盜斷建陵門戟二月庚子王承宗焚蔚州乙巳中書舍人
李逢吉為門下侍郎同中書門下平章事乙丑地震三月

庚午皇太后崩四月庚子李光顏烏重胤及吳元濟戰于
凌雲柵敗之乙卯劉總及王承宗戰于深州敗之己未免
京畿二歲逋稅五月丁卯宥州軍亂逐其刺史駱怡夏綏
銀節度使田緝敗之丁亥雲南蠻寇安南六月密州海溢
甲辰唐鄧節度使高霞寓及吳元濟戰于鐵城敗績七月
壬午韓弘及元濟戰于郾城敗之丙戌免淮西鄰賊州夏
稅八月甲午渭水溢壬寅韋貫之罷戊申西原蠻陷賓蠻
二州己未昭義軍節度使郝士美及王承宗戰于栢鄉敗
之庚申葬莊憲皇太后于豐陵十一月乙丑邕管經略使
韋悅克賓蠻二州甲戌元陵火十二月丁未翰林學士工
部侍郎王涯爲中書侍郎同中書門下平章事己未西原
蠻陷巖州是冬桃李華

十二年正月丁丑地震戊子有彗星出于畢四月辛卯唐
鄧節度使李勣及吳元濟戰于渣呀山敗之乙未李光
顏又敗之于郾城五月辛酉李勣又敗之于張柴七月丙
辰裴度爲准西宣慰處置使戶部侍郎崔羣爲中書侍郎
同中書門下平章事八月癸亥烏重胤及吳元濟戰于賈
店敗績九月丁未李逢吉罷甲寅李勣及吳元濟戰于吳
房敗之十月癸酉克蔡州甲戌淮南節度使李鄘爲門下
侍郎同中書門下平章事甲申給復淮西二年免旁州來

歲夏稅禁戰士粟其家五年十一月丙戌吳元濟伏誅甲午恩王連亮是宗容管經略使陽是克欽橫濤貴四州十三年正月乙酉大赦免元和二年以前逋負賜高年米帛羊酒三月戊戌御史大夫李夷簡爲門下侍郎同中書門下平章事李鄘罷己酉橫海軍節度使程權以滄景二州歸于有司權朝于京師四月甲寅王承宗獻德棣二州庚辰赦承宗六月癸丑朔日有食之癸亥給復德棣滄景四州一年辛未淮水溢七月乙酉宣武魏博義成橫海軍討李師道辛丑李夷簡罷八月壬子王涯罷九月甲辰戶部侍郎皇甫鑄諸道鹽鐵轉運使程異爲工部侍郎同中書門下平章事十月壬戌吐蕃寇宥州靈武節度使杜叔良敗之于定遠城十一月丁亥命山人柳泌爲台州刺史以求藥十二月庚戌迎佛骨于鳳翔

十四年正月丙午田弘正及李師道戰于陽穀敗之二月戊午師道伏誅四月辛未程異薨丙子裴度罷七月戊寅韓弘以汴宋毫潁四州歸于有司弘朝于京師己丑羣臣上尊號曰元和聖文神武法天應道皇帝大赦賜文武官階勳爵遣黜陟使于天下辛卯汜海蔣王弁殺其觀察使王遂自稱留後丁酉河陽節度使令狐楚爲中書侍郎同中書門下平章事八月己酉韓弘爲中書令九月戊寅王

弁伏誅十月壬戌安南將楊清殺其都護李象古以反於
西吐蕃寇贛州十一月辛卯朔方將史敬奉及吐蕃戰于
瓢蘆河敗之十一月乙卯崔彥罷十五年正月宦者陳
弘志等反庚子高皇帝崩年四十三公曰聖神武孝皇帝
大中三年加諡昭文章武大聖至神孝皇帝

贊曰德宗猜忌刻薄以彊明自任恥見屈於正論而忘受
欺於姦諛故其疑蕭復之輕已謂姜公輔為賣直而不能
容用盧杞趙贊則至於敗亂而終不悔及奉天之難深自
懲艾遂行姑息之政由是朝廷益弱而方鎮愈彊至於唐
亡其患以此憲宗剛明果斷自初即位慨然發憤志平僭

叛能

心謀不惑羣議卒收成功自具元濟評置

皆欲

過而効頃嘗此之時唐之威令幾於復振則其

優劣不待較而可知也及其晚節信用非人不終其業而
身罹不測之禍則尤甚於德宗嗚呼小人之能敗國也
必愚君暗主雖聰明聖智苟有感焉未有不為忘者也
韓愈言順宗在東宮二十年天下陰受其賜然享國日淺
不幸疾病莫克有為亦可以悲夫

六世孫... 貞觀元年...

韓愈言則宗... 貞觀二十二年...

必愚言... 貞觀二十二年...

貞觀二十二年... 貞觀二十二年...

貞觀二十二年... 貞觀二十二年...

貞觀二十二年... 貞觀二十二年...

貞觀二十二年... 貞觀二十二年...

本紀第八

唐書八

歐陽 脩 奉 勅 撰

穆宗睿聖文惠孝皇帝諱恒憲宗第三子也母曰懿安皇

太后郭氏始封建安郡王進封遂王遙領彰義軍節度使

元和七年憲昭太子薨左神策軍中尉吐突承璀欲立澧

王輝而輝母賤不當立乃立遂王為皇太子十五年正月

庚子憲宗崩陳弘志殺吐突承璀及澧王辛丑遺詔皇太

子即皇帝位于柩前司空兼中書令韓弘攝冢宰閏月丙

午皇太子即皇帝位于太極殿丁未貶皇甫鏗為崖州司

戶參軍戊申始聽政辛亥御史中丞蕭悅中書舍人翰林

學士段文昌為中書侍郎同中書門下平章事乙卯尊母
為皇太后戊辰京師地震二月丁丑大赦賜文武官階爵
高年粟帛二王後三恪文宣公嗣王公主縣主武德配饗
及第一等功臣家予一子官放沒掖庭者幸丹鳳門觀俳
優丁亥幸左神策軍觀角觝倡戲乙未吐蕃寇靈州丙申
丹王逾堽三月乙巳杜叔良及吐蕃戰敗之戊辰大風雨
雹辛未楊清伏誅五月庚申葬聖神章武孝皇帝于景陵
六月丁丑韓弘罷七月丁卯令狐楚罷八月乙酉容管經
略留後嚴公素及黃洞蠻戰于神步敗之戊戌御史中丞
崔植為中書侍郎同中書門下平章事九月辛丑觀競渡
角觝于魚藻宮用樂十月庚辰王承宗卒辛巳成德軍
察支使王承元以鎮趙深冀四州歸于有司癸未吐蕃寇
涇州右神策軍中尉梁守謙為左右神策京西京北行營
都監以禦之丙戌吐蕃遁十一月癸卯赦鎮趙深冀四州
死罪以下賜成德軍將士錢十二月庚辰獵于城南壬午
擊鞠于右神策軍遂獵于城西甲申獵于苑北
長慶元年正月己亥朝獻于太清宮庚子朝享于太廟辛
丑有事于南郊大赦改元賜文武官階勳爵己未有星孛
于翼壬戌蕭悅罷丁卯有星孛于太微二月乙亥觀樂于
麟德殿丙子觀神策諸軍雜伎巳卯劉縱以盧龍軍八州

歸于有司壬午段文昌罷翰林學士戶部侍郎杜元穎同
中書門下平章事辛卯擊鞠于麟德殿三月庚戌太白晝
見丁巳赦幽涿檀順瀛莫管平八州死罪以下給復一年
賜盧龍軍士錢戊午封弟愷為郿王悅瓊王恂沔王懌發
王愔茂王怡光王協淄王愬衢王忱澶王子湛為鄂王涵
江王湊漳王溶安王瀍潁王是月徙封湛為景王五月丙
辰建王審薨六月有彗星出于昴辛未吐蕃寇青塞烽鹽
州刺史李文悅敗之七月甲辰幽州盧龍軍都知兵馬使
宋克融囚其節度使張弘靖以及壬子羣臣上尊號曰文
武孝德皇帝大赦賜文武官階勳爵壬戌成德軍大將王

武克融殺其節度使田弘正以反八月壬申朱克融陷冀州
癸酉王廷湊陷冀州刺史王進及死之丙子瀛州軍亂執
其觀察使盧士玫叛附于朱克融王廷湊寇深州丁丑魏
博橫海昭義河東義武兵討王廷湊己丑裴度為幽鎮招
撫使九月乙巳相州軍亂殺其刺史邢澆十月丙寅諸道
鹽鐵轉運使刑部尚書王播為中書侍郎同中書門下平
章事裴度為幽州刺史行營都度使戊寅王廷湊陷貝州己
丑叔良為深州刺史行營都度使戊寅王廷湊陷貝州己
卯易州刺史柳公濟及朱克融戰于白河敗之庚辰橫海
軍節度使烏重胤及王廷湊戰于饒陽敗之辛卯靈武節

度使李進誠及吐蕃戰于石山敗之十一月甲午裴度
及王廷湊戰于會星敗之丙申朱克融克定州義武軍節
度使陳楚敗之十一月庚午杜叔良及王廷湊戰于博野
敗績丁丑陳楚及朱克融戰于望都敗之乙酉赦朱克融
己丑陳楚及克融戰于清涼亦敗之

二年正月天子魏博軍鎮丁南宮癸卯魏博節度使田布
殺兵馬使史憲誠自稱留後海州海冰二月甲子赦王
廷湊辛巳崔植罷工部侍郎元稹同中書門下平章事戊
子昭義軍節度使劉悟囚其監軍使劉承偕二月乙巳武

昭義軍節度使裴度同中書門下平章事王播罷四月辛酉朔

日有食之壬戌成德軍節度使牛元翼奔于京師王廷湊
陷深州五月壬寅邕州刺史李元宗叛奔于黃洞蠻六月
癸亥宣武軍宿直將李臣則逐其節度使李愿衙門都將
李齊反甲子裴度元稹罷兵部尚書李逢吉為門下侍郎
同中書門下平章事乙丑大風落太廟鸕尾癸酉吐蕃寇
靈州鹽州刺史趙旰敗之七月丙申宋王結薨戊申李齊
陷宋州丙辰兗鄆節度使曹華及李齊戰于宋州敗之丁
巳忠武軍節度使李光顏又敗之于尉氏八月壬申宣武
軍節度使韓充又敗之于郭橋丙子李齊伏誅癸未詔廢

嘉靖八年補刊

汴宋鄭三州戰亡者稟其家三歲九月戊子鎮海軍將王國清謀反伏誅丙申德州軍亂殺其刺史王稷十月己卯獵于咸陽十一月庚午皇太后幸華清宮癸酉迎皇太后遂獵于驪山丙子集王緡薨十二月丁亥不豫放五坊鷹隼及供獵狐兔癸巳立景王湛為皇太子癸丑降死罪以下賜文武常參及州府長官子為父後者勳兩轉宗子諸親一轉是冬無冰草木萌

三年三月壬戌御史中丞牛僧孺為戶部侍郎同中書門下平章事癸亥淮南浙東西江南宣歙旱遣使宣撫理繫

丙寅黃洞蠻陷欽州九月壬子朔日有食之十月己丑杜元穎罷辛卯黃洞蠻寇安南

四年正月辛亥降死罪以下減流人一歲賜文武官及宗子賀正使階勳爵詔百官言事辛未以皇太子權勾當軍國政事壬申皇帝崩于清思殿年三十

敬宗睿武昭愍孝皇帝諱湛穆宗長子也母曰恭僖皇太后王氏始封鄂王徙封景王長慶二年十二月穆宗因擊毬暴得疾不見羣臣者三日左僕射裴度三上疏請立皇太子而翰林學士兩省官相次皆以為言居數日穆宗疾少間宰相李逢吉請立景王為皇太子四年正月穆宗崩

癸酉門下侍郎平章事李逢吉攝冢宰丙子皇太子即皇
帝位于太極殿二月辛巳始聽政癸未尊母為皇太后皇
太后為太皇太后辛卯放掖庭內園沒入者丁未擊鞠于
中和殿戊申擊鞠于飛龍院黃洞蠻降己酉擊鞠用樂三
月壬子大赦免京畿河南青苗稅減宮禁經費兼輿服膳
罷貢鷹犬元和以來兩河藩鎮歸地者予一子官庚午太
白經天四月丙申擊鞠于清思殿染坊匠張詔反幸左神
策軍韶伏誅丁酉還宮五月乙卯吏部侍郎李程戶部侍
郎判度支竇易直同中書門下平章事六月庚辰大風壞
延喜景風門是夏漢水溢八月丁亥太白晝見丁酉中官
李文德謀反伏誅黃洞蠻寇安南十一月戊午環王反黃
洞蠻陷陸州刺史葛維死之庚申葬睿聖文惠孝皇帝于
光陵

寶曆元年正月己酉朝獻于太清宮庚戌朝享于太廟辛
亥有事于南郊大赦改元乙卯牛僧孺罷四月癸巳羣臣
上尊號曰文武大聖廣孝皇帝大赦賜文武官階爵五月
庚戌觀競渡于魚藻宮九月壬午昭義軍節度使劉悟卒
其子從諫自稱昭後十一月丙申封子普為晉王
二年正月甲戌發神策六軍穿池于禁中二月丁未山南
西道節度使裴度守司空同中書門下平章事三月戊寅

觀競渡于魚藻宮四月戊戌橫海軍節度使李全略卒其
子同捷反五月戊寅觀競渡于魚藻宮庚辰幽州盧龍軍
亂殺其節度使朱克融其子廷嗣自稱節度使六月辛酉
觀漁于臨碧池甲子觀驢鞠角觝于二殿七月癸未衡王
絢薨以漢陂隸尚食禁民漁八月丙午觀競渡于新池九
月甲戌觀百戲于宣和殿三日而罷戊寅幽州盧龍軍兵
馬使李載義殺朱延嗣自稱留後壬午李程罷十一月甲
申李逢吉罷己丑禁朝官方鎮置私白身十二月中官劉
克明反辛丑皇帝崩年十八

文宗元聖昭獻孝皇帝諱昂穆宗第二子也母曰貞獻皇
太后蕭氏始封江王寶曆二年十二月敬宗崩劉克明等

以絳王悟旬當軍國事壬寅內樞密使王守澄楊承
和神策護軍中尉魏從簡梁守謙奉江王而立之率神策
六軍飛龍兵誅克明殺絳王乙巳江王即皇帝位于宣政
殿戊申始聽政尊母為皇太后庚戌兵部侍郎翰林學士
韋處厚為中書侍郎同中書門下平章事庚申出宮人三
千省教坊樂工翰林伎術冗員千二百七十人縱五坊鷹
犬停貢纂組雕鏤金篋寶飾牀榻

大和元年二月乙巳大赦改元為宗兆今歲夏稅半賜九
廟陪位者子孫二階立功將士階爵始封諸王後予一子

出身五月戊辰罷宰臣奏事監搜丙子橫海軍節度使烏
重胤討李同捷六月己巳淮南節度副大使王播為尚書
左僕射同中書門下平章事乙卯以旱降京畿死罪以下
七月癸酉葬睿武昭憲孝皇帝
軍節度使李寰討李同捷十二日
營招撫使
以十一月庚辰橫海
以王智興為滄州行

二年正月壬申地震六月乙卯

日晷已巳大風拔木

乙亥峯州刺史王昇朝反伏誅且

以溢壞棗州城越州

海溢七月辛丑魏博節度使史憲

同捷戰于平原敗

之甲辰有彗星出干右攝提八月

王廷湊反壬申義

武軍節度使柳公濟及廷湊戰于新樂敗之己卯劉從諫

又敗之于臨城辛巳史憲誠及李同捷戰于平原敗之癸

未劉從諫及王廷湊戰于昭慶敗之九月癸卯柳公濟又

敗之于博野丁未岳王緝薨庚戌安南軍亂其都護韓

勣十月庚申史憲誠及李同捷戰于平原敗之丁卯

愆亮癸酉官軍直罷戊寅史憲誠及李同捷戰于平原敗

之壬午幽州盧龍軍節度使李載義又敗之于長蘆十一

月壬辰給石棗州一季粟戰于劍底者為己卯庚召德壽

火十二月乙丑魏博行營兵馬使元志滔以壬申書延

夢戊寅兵部侍郎韓林等上書請中書侍郎

下平章事

三年正月丁亥宣武河陽兵討丁志沼庚子志沼奔于鎮
州三月乙酉罷教坊日直樂工乙巳以大原兵馬使傅毅
為義武軍節度使義武軍不受命都知兵馬使張璠自稱
節度使戊申以璠為義武軍節度使四月戊辰滄景節度
使李祐克德州李同捷降乙亥滄德宣慰使栢耆以同捷
歸于京師殺之于將陵五月辛卯給復滄景德棣四州一
年六月甲戌魏博軍亂殺其節度使史憲誠都知兵馬使
何進滔自稱留後八月辛亥以相衛澶二州隸相衛節度

廷湊甲戌吉部侍郎李宗閔同中書門下平章事十月癸

丑杖內火十一月壬辰朝獻于太清宮癸巳朝享于太廟

甲午有事于南郊大赦詔母歆難成非常之物焚絲布撩

綉機杼是月雲南蠻夷成雲南蠻寇成都右領軍衛大將軍

志武軍伐雲南蠻夷成雲南蠻寇成都右領軍衛大將軍

其重賞為左右神策及諸道行營西川都知兵馬使以伐

之己未雲南蠻寇梓州壬戌寇夔州

四年正月戊子封于文為魯王辛卯武昌軍節度使平僧

孺為兵部尚書同平章事甲午王播薨二月乙

卯興元軍亂殺其節度使乙酉三月癸卯禁京畿七獵四

月丁未突寇邊李載義敗之六月丁未裴度平章軍國重
事是夏晉州江溢七月癸未尚書右丞宋申錫同中書門
下平章事九月壬午裴度罷

五年正月庚申幽州盧龍軍亂逐其節度使李載義殺莫
州刺史張慶初兵馬使楊志誠自稱留後二月庚子敗宋
申錫為太子右庶子癸卯降封漳王濬為巢縣公六月甲
子梓州玄武江溢

六年正月壬子降死葬以下二月蘇州地震生白毛五月
庚申給民疫死者棺十歲以下不能自存者二月癸未七月
戊申原主遼薨十一月甲子立魯王承為皇太子十一月

乙丑牛僧孺罷己巳珍王誠薨

七年正月壬辰罷吳蜀冬貢茶二月丙戌兵部尚書李德
裕同中書門下平章事二月辛卯幽州盧龍軍節度使楊
志誠執春衣使邊奉鸞送奚契丹使尹士恭辛丑和王綺
薨六月甲戌地震乙亥李宗閔罷七月壬寅尚書右僕射
諸道鹽鐵轉運使王涯同中書門下平章事閏月乙卯以
旱避正殿減膳徹樂出宮女千人縱五坊鷹犬八月庚寅
降死罪以下賜文武及州府長官子為父後者勲兩轉十
二月庚子不豫

八年二月壬午朔日有食之庚寅以疾愈降死罪以下四

唐紀八
月丙戌詔答罪母鞭背五月己巳飛龍神駒中殿火六月
丙戌晉王紆薨七月辛酉震定陵寢宮癸亥鄆王經薨九
月辛亥有彗星出于太微十月辛巳幽州盧龍軍大將史
元忠逐其節度使楊志誠自稱權句當節度兵馬庚寅山
南西道節度使李宗閔為中書侍郎同中書門下平章事
甲午李德裕罷十一月癸丑成德軍節度使王廷湊卒其
子元逵自稱權句當節度事丙子莫州軍亂逐其刺史張
惟汎十二月己卯降京畿死罪以下

九年正月癸亥巢縣公湊薨三月辛亥冀王綽薨乙卯京
師地震四月丙申路隋罷戊戌浙江東道觀察使賈餗為
中書侍郎同中書門下平章事辛丑大風拔木落含元殿
鸕尾壞門觀五月辛未王涯為司空六月壬寅貶李宗閔
為明州刺史七月辛亥御史大夫李固言為門下侍郎同
中書門下平章事九月癸亥殺陳弘志丁卯李固言罷己
巳御史中丞舒元興為刑部侍郎翰林學士兵部郎中李
訓為禮部侍郎同中書門下平章事十月辛巳殺觀軍容
使王守澄十一月乙巳殺武寧軍監軍使王守洵壬戌李
訓及河東節度使王璠等節度使郭行餘御史中丞李
季本京兆少尹羅立言謀中官不克訓奔于鳳翔甲子
尚書省僕射鄭覃同中書門下平章事乙丑權知戶部侍

郎李石同中書門下平章事左神策軍中尉仇士良殺王
涯賈餗等元與李季本羅立言王璠郭行餘鳳翔少尹魏
逢戍辰晝晦鳳翔監軍使張仲清殺其節度使鄭注己巳
仇士良殺右金吾衛大將軍韓約十二月壬申殺左金吾
衛將軍李息素翰林學士顧師邑丁亥降京師死罪以下
開成元年正月辛丑朔日有食之大赦改元免大和五年
以前逋負京畿公歲稅賜文武官階爵二月乙亥停獻鷲
烏畋犬三年京師地震四月辛卯淄王協薨甲午山南西
道節度使李固言為門下侍郎同中書門下平章事七月
岸汜盜乙亥雨土十二月己未叙王縱慧

二年二月丙午古書星出于東方己未均王緯薨二月丙
寅以慧見減膳壬申素服避正殿徹樂降死罪流以下原
之縱五坊鷹隼禁京畿採捕四日戊戌工部侍郎陳夷行
同中書門下平章事乙卯以旱避正殿六月丙午河陽軍
亂逐其節度使李泳己未綿州獠反七月癸亥党項羌寇
振武八月庚戌封皇子休復為梁王執中襄王言揚杞王
成美陳王英丑封子宗儉為蔣王十月戊申李固言罷
一月乙丑京師地震丁丑有星隕于興元
三年正月甲子盜傷李石戊申大風拔木諸道驛鐵轉運
使戶部尚書楊嗣復戶部侍郎李珣同中書門下平章

丙二李石罷首漢水盜八月己亥嘉王運臺十月乙酉
武軍節度使張璠卒其子元谷皆稱留後庚子皇太子

乙巳有彗星出于轸十一月壬戌降死罪以下

四年正月癸酉有彗星出于羽林閏月丙午出于卷舌五

月丙申鄭覃陳夷行罷七月甲辰大常卿崔郾同中書門

下平章事八月辛亥鄭王憬薨十月丙寅立陳王成美為

皇太子甲戌地震十一月己亥降京畿死罪以下十二月

乙卯乾陵寢宮火

五年正月戊寅不豫己卯左右神策軍護軍中尉魚弘志

仇士良立穎王暉為皇太子弟權句當軍國事廢皇太子成美

為陳王庚辰仇士良親以仙韶院副使尉遲璋辛巳皇帝崩

于太和殿年三十三

武宗至道昭肅孝皇帝諱炎穆宗第五子也母曰宣懿皇

太后韋氏始封穎王累加開府儀同三司檢校吏部尚書

開成五年正月文宗疾大漸神策軍護軍中尉仇士良魚

弘志矯詔廢皇太子成美復為陳王立穎王為皇太子辛

巳即皇帝位于柩前辛卯殺陳王成美及安王溶賢妃楊氏

甲午始聽政追尊其母為皇太后二月乙卯大赦庚申有

彗星出于室壁四月甲子大風拔木五月己卯楊嗣復罷

諸道鹽鐵轉運使刑部尚書崔珙同中書門下平章事壬

寅大風拔木六月丙寅以旱避正殿理囚河北河南淮南
浙東福建蝗疫州除其徭七月戊寅大風拔木八月甲寅
兩壬戌葬元聖昭獻孝皇帝于章陵內樞密使劉弘逸薛
季稜以兵殺仇士良不克伏誅庚午李珣罷九月丁丑淮
南節度副大使李德裕為門下侍郎同中書門下平章事
十月癸卯回鶻寇天德軍十一月戊寅有彗星出于東方
魏博節度使何進滔卒其子重霸自稱留後十二月封子
峻為杞王

會昌元年正月己卯朝獻于太清宮庚辰朝享于太廟辛
巳有事于南郊大赦改元三月御史大夫陳夷行為門下
侍郎同中書門下平章事七月有彗星出于羽林壬辰漢
水溢九月癸巳幽州盧龍軍將陳行泰殺其節度使史元
忠自稱知留務閏月幽州盧龍軍將張絳殺行泰自稱主
軍務十月幽州盧龍軍逐絳雄武軍使張仲武入于幽州
十一月壬寅有彗星出于營室辛亥避正殿減膳理囚罷
興作癸亥崔鄆罷

二年正月宋亳二州地震己亥李德裕為司空回鶻寇橫
水柵略天德援武軍二月丁丑淮南節度副大使李紳為
中書侍郎同中書門下平章事三月回鶻寇雲朔四月丁
亥群臣上尊號曰仁聖文武至神大孝皇帝大赦賜文武

官階勳爵五月丙申回鶻嗚沒斯降六月陳夷行罷河東
節度使劉沔及回鶻戰于雲州敗績七月幸左神策軍闕
武尚書右丞兼御史中丞李讓夷為中書侍郎同中書門
下平章事嵐州民田滿等反伏誅回鶻可汗寇大同川九
月劉沔為回鶻南面招撫使幽州盧龍軍節度使張仲武
為東面招撫使右金吾衛大將軍李思忠為河西党項都
將西南面招討使十月丁卯封子峴為益王岐交王十一
月獵于白鹿原十二月封子嶧為德王嵯昌王癸未京師
地震

三年正月庚子天德軍平行營副使石雄及回鶻戰于殺胡
山敗之二月庚申朔日有食之辛未崔珙罷是春大雨雪
四月乙丑昭義軍節度使劉從諫卒其子稹自稱留後五
月甲午震東都廣運樓災辛丑成德軍節度使王元逵為
北面招討澤潞使魏博節度使何弘敬為東面招討澤潞
使及河中節度使陳夷行河陽節度使王茂元劉沔以討
劉稹戊申翰林學士承旨中書舍人崔鉉為中書侍郎同
中書門下平章事武寧軍節度使李彥佐為晉絳行營諸
軍節度招討使六月丙申內神龍寺火辛酉李德裕為司徒
是夏作望仙觀于禁中七月庚子免河東今歲秋稅九月
辛卯忠武軍節度使王宰兼河陽行營攻討使丁未以兩

霖理囚免京兆府秋稅十月己巳晉絳行營節度使石雄
及劉稹戰于烏嶺敗之壬午日中月食太白是月党項羌
寇鹽州十一月寇鄯寧克王岐爲靈夏六道元帥安撫党
項大使御史中丞李回副之安南軍亂逐其經略使武渾
十二月丁巳王宰克天井關

四年正月乙酉河東將楊弁逐其節度使李石二月甲寅
朔日有食之辛酉楊弁伏誅三月石雄兼冀氏行營攻討
使晉州刺史李丕副之六月己未中書門下御史臺慮囚
閏七月壬戌李紳罷淮南節度副大使杜悰爲尚書右僕
射兼中書侍郎同中書門下平章事丙子昭義軍將裴問

及邢州刺史崔嘏以城降是月洛 刺史王鈞磁州刺史

安玉以城降八月乙未昭義軍將郭 殺劉稹以降戍給復

澤潞邢洛磁五州一歲免太原河 及懷陝晉絳四州秋

稅戊申李德裕爲太尉十月獵于鄠縣十二月獵于雲陽

五年正月己酉羣臣上尊號曰仁聖文武章夫成功神德

明道大孝皇帝是日朝獻于太清宮庚戌朝享于太廟辛

亥有事于南郊大赦賜文武官階勳爵文宣公二王三恪

予一子出身作仙臺于南郊庚申皇太后崩三月旱五月

壬子葬恭僖皇太后于光陵壬戌杜悰崔鉉罷乙丑戶部

侍郎李回爲中書侍郎同中書門下平章事六月甲申作

望仙樓于神策軍七月丙午朔日有食之是月山南東道
節度使鄭肅校檢尚書右僕射同中書門下平章事八月
壬午大毀佛寺復僧尼為民十月作昭武廟于虎牢關
六年二月癸酉以旱降死罪以下免今歲夏稅庚辰夏綏
銀節度使米暨為東北道招討党項使三月壬戌不豫左
神策軍護軍中尉馬元贄立光王怡為皇太叔權句當軍
國政事甲子皇帝崩于大明宮年三十三

宣宗元聖至明成武獻文睿智章仁神聰懿道大孝皇帝
諱忱憲宗第十三子也母曰孝明皇太后鄭氏始封光王
性嚴重寡言宮中或以為不惠會昌六年武宗疾大漸左

神策軍護軍中尉馬元贄立光王為皇太叔三月甲子即

皇帝位于柩前四月乙亥始聽政尊母為皇太后丙子李
德裕罷辛卯李讓夷為司空五月乙巳大赦翰林學士承
旨兵部侍郎白敏中同中書門下平章事辛酉封子溫為
鄆王漢雍王涇雅王滋慶王沂慶王七月李讓夷罷八月
辛未大行宮火壬申葬至道昭肅孝皇帝于端陵九月鄭
肅罷兵部侍郎判度支盧商為中書侍郎同中書門下平
章事雲南蠻寇安南經略使裴元裕敗之十二月戊辰朔
日有食之

大中元年正月壬子朝獻于太清宮癸丑朝享于太廟甲

寅有事于南郊大赦改元復左降官死者官爵賜文武官
階勲父老帛文宣王後及二王後三恪予一子宮二月癸
未以旱避正殿減膳理京師囚罷太常教坊習樂損百官
食出宮女五百人放五坊鷹犬停飛龍馬粟三月廬商罷刑
部尚書判度支崔元式為門下侍郎翰林學士承旨戶部
侍郎韋琮為中書侍郎同中書門下平章事閏月大復佛
寺四月己酉皇太后崩五月張仲武及奚北部落戰敗之
吐蕃回鶻寇河西河東節度使王宰伐之八月丙申李回
罷庚子葬貞獻皇太后于光陵十二月戊午貶太子少保
李德裕為潮州司馬

二年正月甲子群臣上尊號曰聖敬文思和武光孝皇帝
大赦宗子房未仕者予一人出身賜文武官階勲壽三月
封子澤為濮王五月己未朔日有食之崔元式罷兵部侍
郎判度支周墀刑部侍郎諸道鹽鐵轉運使馬植同中書
門下平章事己卯太皇太后崩七月己巳續圖功臣于凌
煙閣十一月壬午葬懿安太皇太后于景陵貶韋琮為太
子賓客分司東都

三年二月吐蕃以秦原安樂三州石門驛藏木峽制勝六
盤石峽蕭七關歸于有司三月詔待制官與刑法官諫官
次對馬植罷是春墮霜殺桑四月乙酉周墀罷御史大夫

崔鉉為中書侍郎兵部侍郎判戶部事魏扶同中書門下
平章事癸巳幽州盧龍軍節度使張仲武卒其子直方自
稱留後五月武寧軍亂逐其節度使李廓十月辛巳京師
地震是月振武及天德靈武鹽夏二州地震吐蕃以維州
歸于有司十一月己卯封弟惕為彭王十二月吐蕃以扶
州歸于有司

四年正月庚辰大赦四月壬申以雨霖詔京師開輔理囚
蠲度支鹽鐵戶部逋負六月戊申魏扶薨戶部尚書判度
支崔龜從同中書門下平章事八月幽州盧龍軍亂逐其

節度使張直方衙將張允伸自稱留後十月辛未翰林學

士承旨兵部侍郎令狐綯同中書門下平章事十一月
項羌寇邠寧十二月鳳翔節度使李安業河東節度使李
拭為招討党項使

五年三月白敏中為司空招討南山平夏党項行營兵馬
都統四月赦平夏党項羌辛未給復靈鹽夏三州邠寧鄜
坊等道三歲六月封子潤為鄂王八月乙巳赦南山党項
羌十月沙州人張義潮以瓜沙伊肅鄯甘河西蘭岷廓十
一州歸于有司白敏中罷戊辰戶部侍郎判戶部魏謩同
中書門下平章事十一月崔龜從罷十二月盜斫景陵門
戟是歲湖南饑

六年三月有彗星出于紫微參七月雍王漢壽八月禮部尚書諸道監鐵轉運使裴休同中書門下平章事九月獠寇昌資二州十一月封弟惲為棣王是歲淮南饑

七年正月丙午朝獻于太清宮丁未朝享于太廟戊申有事于南郊大赦

八年正月丙戌朔日有食之三月以旱理囚九月封子洽為懷王丙昭王汶康王

九年正月甲申成德軍節度使王元逵卒其子紹鼎自稱留後閏四月辛丑禁嶺外民鬻男女者七月以旱遣使巡

無淮南咸上供饋運蠲逋租發粟賑民丙辰崔鉉罷度申

罷淮南宣歙浙西冬至元日常貢以代下戶租稅是月

江東道軍亂逐其觀察使李訥
十年正月丁巳御史大夫鄭朗為工部尚書同中書門下平章事九月封子灌為衛王十月戊子裴休罷十二月壬辰戶部侍郎判戶部崔慎由為工部尚書同中書門下平

章事

十一年二月辛巳魏謩罷五月容管軍亂逐其經略使王球七月庚子兵部侍郎判度支蕭鄴同中書門下平章事成德軍節度副大使王紹鼎卒其弟紹懿自稱留後八月封子灃為廣王九月乙未有彗星出于房十月壬申鄭朗

罷

十二年正月戊戌戶部侍郎判度支劉瑑同中書門下平
 章事二月廢穆宗忌日停光祿朝拜及守陵宮人壬申崔
 慎由罷閏月自十月不雨至于是月雨二月鹽州監軍使
 楊玄价殺其刺史劉舉四月庚子嶺南軍亂逐其節度使
 楊發戊申兵部侍郎諸道鹽鐵轉運使夏侯孜同中書門
 下平章事五月丙寅劉瑑薨庚辰湖南軍亂逐其觀察使
 韓琮六月丙申江西都將毛鶴逐其觀察使鄭憲辛亥南
 蠻寇邊七月容州將來正反伏誅八月宣歙將康全泰逐
 其觀察使鄭薰淮南節度使崔鉉兼宣歙池觀察處置使
 以討之丁巳太原地震十月庚全泰伏誅十二月毛鶴伏
 誅甲寅兵部侍郎判戶部將仲同中書門下平章事
 十三年正月戊午大赦蠲度支戶部逋負赦宮人八月壬
 辰左神策軍護軍中尉王宗實立鄆王温為皇太子權句
 當軍國政事癸巳皇帝崩于誠寧殿年五十諡曰聖武獻
 文孝皇帝咸通十二年加諡元聖至明成武獻文睿智章
 仁神聰懿道大孝皇帝
 贊曰春秋之法君弒而賊不討則深責其國以為無臣子
 也憲宗之弒歷三世而賊猶在至於文宗不能明弘志等
 罪惡以正國之典刑僅能殺之而已是可歎也穆敬昏重

失德以其在位不久故天下未至於敗亂而敬宗卒及其
身是豈有討賊之志哉文宗恭儉儒雅出於天性嘗讀太
宗政要慨然慕之及即位銳意於治每延英對宰臣率滿
下十一列唐制天子以隻日視朝乃命輟朝放朝皆用雙
日凡除吏必召見訪問親察其能否故太和之初政事脩
飭號為清明然其仁而少斷承父兄之弊宦官撓權制之
不得其術故其終困以此甘露之事禍及忠良不勝冤憤
欲恨而已由是言之其能殺弘志亦足伸其志也昔武丁
得一傳說為商高宗武宗用一李德裕遂成其功烈然其
奮然除去浮圖之法甚銳而躬受道家之籙服藥以求長
年以此見其非明智之不思者特好惡有不同爾宣宗精
於聽斷而以察為明無復仁惠之意嗚呼自是而後唐衰
矣

本紀第八

本紀第九

唐書卷九

歐陽 脩 奉 勅 撰

懿宗昭聖恭惠睿皇帝諱漼宣宗長子也母曰元昭皇太
 后龜氏始封鄆王宣宗愛嬖王滋欲立為皇太子而鄆王
 長故久不決大中十三年八月宣宗疾大漸以嬖之屬內
 樞密使王歸長馬公儒宣徽南院使王居方等而左神策
 護軍中尉王宗實副使元實矯詔立鄆王為皇太子於
 巳即皇帝位于柩前王宗實殺王歸長馬公儒王居方唐
 子始聽政癸卯令狐絢為司空尊皇太后曰太皇太后癸
 卯庚申追尊母為皇太后十月辛卯大赦賜文武官階勳

唐書卷九
爵者老粟帛十一月戊午薨鄴罷十二月甲申翰林學士
承旨兵部侍郎杜審權同中書門下平章事丁酉令狐綯
罷荆南節度使白敏中為司徒兼門下侍郎同中書門下
平章事是歲雲南蠻陷播州

咸通元年正月浙東人仇甫反安南經略使王式為浙江
東道觀察使以討之二月丙申葬聖武獻文孝皇帝于京
陵五月京師地震袁王紳薨七月封叔恂為信王八月衛
王灌薨己卯仇甫伏誅九月戊申白敏中為中書令十月
安南都護李鄲克播州己亥夏後改罷戶部尚書判度支
王綰為司空

二年二月白敏中罷尚書左僕射判度支杜悰兼門下侍
郎同中書門下平章事福王綰薨六月鹽州刺史王寬為
安南經略招討使八月雲南蠻寇邕州九月寇嶺州
三年正月庚子尊號曰睿文明聖孝德皇帝大赦
是月蔣仲範二月庚子杜悰為司空是月棟王惲薨湖南
觀感使張義潮為安南經略招討使三月戊寅歸義軍節度
使張義潮為涼州二月武寧軍亂逐其節度使溫造歸南

西川節度使夏侯孜為宣旨七僕射兼門下侍郎同中書
門下平章事九月領南西道宣亂逐其節度使蔡京十月
丙申封子侑為王侯源王信為王杜悰為司馬十一月
封叔祖緝為王叔愔為王南蠻寇空南丙寅降囚罪
免徐勣執于二月翼王釋奠

四年正月戊辰朔獻皇太清宮三節至于太廟庚午有
事于南郊大赦雲南蠻陷安南蔡襲死之庚辰撫王懿為
司空二月拜七六陵秦州經略使高駢為安南經略招討
使四月畢誠罷五月己巳翰林學士承旨兵部侍郎楊收

侍郎判度支曹確同中書門下平章事七月辛卯朔日有
食之免安南戶稅丁錢二歲弛廉州珠池禁八月癸丑滋
薨十二月乙酉昭義軍亂殺其節度使沈詢

五年正月丙午雲南蠻寇嵩州三月寇邕州四月兵部侍
郎判戶部蕭實同中書門下平章事五月丁酉瘞邕嵩州
死事者已亥有彗星出于婁八月丁卯夏侯孜為司空十
月貞陵墜陷十一月戊戌夏侯孜罷壬寅翰林學士承旨
兵部侍郎路巖同中書門下平章事

六年二月蕭實薨四月劍南東川節度使高瑒為兵部侍
郎同中書門下平章事五月高駢及雲南蠻戰于邕州敗之

六月高瓌薨御史大夫徐商為兵部侍郎同中書門下平
章事七月封丁侃為郢王十二月晉緣二州地震壬子太
皇太后崩

七年二月戊申免河南府同華陝魏四州一歲稅湖南及
桂管容三管岳州夏秋稅之半三月成德軍節度使王紹
懿卒其兄子景崇自稱留後閏月吐蕃寇邠寧五月甲辰
葬孝明太皇太后于景陵之園六月魏博節度使何弘敬
卒其子全裨自稱留後八月辛卯晝晦十月壬申揚收罷
是月高駢克安南十一月辛亥大赦免咸通三年以前逋

八年正月丁未河中府晉絳二州地震五月丙辰以不

降囚罪出宮人五百縱神策五坊飛龍鷹鷄禁延慶端午
節獻女口七月兩湯丁下邳壬寅斬王緝薨乙巳懷州民
亂逐其刺史劉仁規甲子兵部侍郎諸道鹽鐵轉運使于
琮同中書門下平章事十一月辛丑疾愈避正殿賜民年
七十五而痼疾及軍士戰傷者帛十二月信王恊薨

九年正月彗星出丁未軍節度糧料判官龐
勳反于楚州十月庚午陷宿州丁丑陷徐州觀察使崔彥
會死之十一月陷涼州刺史盧望回死之右金吾衛大將
軍康承訓為徐泗行營兵馬都招討使神武大將軍王晏

權為北面招討使劉林將軍戴可師為南面招討使十二月
月龐勳陷和淦二州州刺中高錫望死之壬申戴可師
及龐勳戰于都梁山死之是日劉天雄軍節度使馬舉為
南面招討使泰寧軍節度使曹翺為北面招討使

十年二月殺驩州流人揚收三月徙封侃為威王四月
鎮西軍節度使嚴譚康承訓及龐勳戰于柳子敗之六月
神策軍將軍宋威為西北面招討使以蝗旱理囚癸
卯余商罷翰林學士承旨戶部侍郎劉瞻同中書門下平
章事八月有彗星出于大陵九月癸酉龐勳伏誅十月戊

成色余商四州三歲說及十二月壬子雲南蠻寇嘉

十一年正月甲寅羣臣上書號曰睿文皇帝武王仁大
聖廣孝皇帝大赦雲南蠻寇黎雅二州及成澤二日甲申
劍南西川節度副使王建立及雲南蠻賊二城北死之甲
子劍南東川節度使顏慶復及雲南蠻賊二新都死之三
月曹確罷四月丙午翰林學士承旨兵部侍郎某休衡同
中書門下平章事八月殺醫待詔韓宗紹魏博軍亂殺其
節度使何全暉其將某君雄自稱留後九月丙辰劉瞻罷
十一月立文禮部尚書判度支王鐸同中書門下平章事
十二年四月癸卯路巖罷五月庚申理囚十月某侍郎

諸道監獄轉運使劉寯為工部尚書同中書門下平章事
十三年七月丁巳王琮罷刑部侍郎判戶部趙隱為戶部
侍郎同中書門下平章事幽州盧龍軍節度使張元仲卒
其子簡會自稱留後三月癸酉平州刺史張公系遷簡會
自稱留後四月庚子浙江東西道地震封子保為吉土傑
壽王倚睦五月乙亥殺國子司業韋毅裕十一月壬子鐸
為司徒韋衡為司空

十四年正月沙陀五代宗二月迎佛骨于鳳翔癸巳兩土
四月并州民產子二頭四手足寅大赦六月不豫王儉罷

僖宗皇帝第五子也母曰惠安

太后王氏始封晉王名儼咸通十四年七月懿宗疾大漸
左右神策護軍中尉劉行深韓文約立晉王為皇太子辛
巳即白帝位十柩前八月癸巳始聽政丁未追尊母為皇
天后乙卯韋保衡為司徒九月貶保衡為賀州刺史十月
乙未尚書左僕射蕭倣為中書侍郎同中書門下平章事
十二月震電癸卯大赦免水旱州縣租賦罷貢鷹鷂雲南

其始於州

南符元年二月甲午葬昭聖恭惠孝皇帝于簡陵癸丑降
死罪以下趙鳴罷華州刺史裴坦為中書侍郎同中書門

下平章事四月辛卯以旱理囚五月乙未裴坦薨刑部尚
書劉瞻為中書侍郎同中書門下平章事八月辛未
兵部侍郎判度支崔彥昭為中書侍郎同中書門下平章
事十月劉鄩罷吏部侍郎鄭畋為兵部侍郎翰林學士承
旨戶部侍郎盧攜同中書門下平章事十一月庚寅改元
羣臣上尊號曰聖神聰睿仁哲明孝皇帝是月蕭倣為司
空魏博節度使韓允中卒其子簡自稱留後十二月党項
回鶻寇天德軍雲南蠻寇黎雅二州河西河東山南東道
東川兵伐雲南

事于南郊大赦賜文武官階勳爵文武宣王及二王後三恪
一子官雲南蠻請和四月庚辰太白晝見浙西突陣將王
郢反五月右龍武軍大將軍宋皓討之蕭倣薨六月濮州
賊王仙芝尚君長陷曹濮二州河南諸鎮兵討之吏部尚
書李蔚為中書侍郎同中書門下平章事幽州將李茂勳
逐其節度使張公素自稱留後七月以蝗避正殿減膳十
一月震電

三年二月丙子以旱降死罪以下三月葬暴骸平盧軍節
度使宋威為指揮諸道招討草賊使檢校左散騎常侍曾
元裕副之募能捕賊三百人者官以將軍幽州盧龍軍節

度使李茂勳立其子可舉為留後五月庚子以旱理囚免
浙東西一歲稅昭王泚薨六月乙丑雄州地震撫王紘為
太尉七月辛巳雄州地震鎮海軍節度使裴瑒及王郢戰
敗之鄂王漕薨九月乙亥朔日有食之避正殿丙子王仙
芝陷汝州執刺史王鐸十一月陷郢復二州十二月京師
地震王仙芝陷申光廬壽通舒六州忠武軍節度使崔安
潛為諸道行營都統官苑使李瑒為諸軍行營招討草賊
使右威衛上將軍張自勉副之是冬無雪

四年正月丁丑降死罪以下二等流人死者聽收葬崔彥
昭為司空二月王仙芝陷鄂州閏月崔彥昭罷昭義軍亂
逐其節度使高湜宣武軍節度使王錡檢校司徒兼

侍郎同中書門下平章事三月宛句賊黃巢陷鄆沂二州
天平軍節度使薛崇死之四月壬申朔日有食之是月陝
州軍亂逐其觀察使崔碣江西賊柳彥璋陷江州執其刺
史陶汭高安制置使鍾傳陷撫州三月有彗星避正殿減
膳六月王鐸為司徒庚寅雄州地震八月黃巢陷隋州執
刺史山任休徵九月沙陀寇雲朔二州鹽州軍節度使其刺史
王承瑒十月河中軍亂逐其節度使劉侔十一月尚君長
降宋威殺之十二月安南戍兵亂逐桂管觀察使李璣江
州刺史文劉柔仁及辨彥璋戰敗之

五年二月丁酉王仙芝陷江陵外郭壬寅曾元裕及王仙芝戰于中州敗之元裕為諸道行營招討草賊使張自勉副之不克罷招討使二月癸酉雲中守捉使李克用殺大同軍討劉德政文楚已卯克用寇遮虜軍是月王仙芝伏誅其將王重隱陷饒州刺史顏標死之江西賊徐唐言陷洪州二月黃巢陷濮州寇河南崔安潛罷都統張自勉為東西二行營招討使湖南軍亂逐其觀察使崔瑾四月饒州將彭令璋克饒州自稱刺史徐唐言伏誅五月丁酉鄭畋盧攜罷翰林學士承旨戶部侍郎豆盧瑑為兵部侍郎吏部侍郎崔沆為戶部侍郎同中書門下平章事是日兩書明下平章事黃巢陷越州執觀察使崔瑒鎮海軍將張濛克慈州十月甲義軍節度使李鈞幽州盧龍軍節度使李可舉討李國昌十一月丁未河東宣慰使崔季康為河東節度代北行營招討使十二月甲戌黃巢陷福州庚辰崔季康卒及李元勳工洪谷敗績是歲天平軍節度使張勳卒衙將崔君裕自和州事

六年正月鎮法軍節度使高駢為諸道行營兵馬都統王僧楚二月京師光武蓋西山裂出水河東軍亂殺其節

度使在平康四月庚申朔日有食之涼王從寬王鐸為劫
南節度使南白行營都統二月奉寧軍節度使李孫
為湖南觀察使劉之黃巢陷廣州執嶺南東道節度使李
迢陷安南八月甲子東都留守李蔚為河東節度代北行
營招討使閏十月蕃巢陷澧澧二州澧州刺史李絢死之
十一月丙辰兩日並出而關戊午河東節度使康傳圭為
代北行營招討使辛酉黃巢陷江陵殺李迢丁丑山南東
道節度使劉巨容及黃巢戰于荆門敗之十二月壬辰克
江陵是月賊王鐸為太子賓客分司東都兵部尚書盧攜
為門下侍郎同中書門下平章事是歲淄州刺史曹全敗
克軍州刺史若裕黃巢不陷引官新池四州即州刺史

衡州遂其刺史徐顥荆南將孟滿陷朗州刺史崔勣死之
石門蠻向壤陷澧州權知州李昌自投死之桂陽賊陳彥
諱陷郴州刺史董岳死之
廣明元年正月乙卯改元免山南荆湖河中河東稅賦十
之四戊寅荆南監軍楊復光之次軍將段彥謩殺其守崇
宋浩以常滋為節度留後淮南將張濬及黃巢戰于大梁
倉敗之二月丙戌李國昌寇河代二州戊戌河東軍亂殺
其節度使康傳圭之子鄭從謙罷為河東節度使代北行
營招討使三月辛未以旱遣工殿中丞四月甲申京師

都汝州... 大風... 六府卿... 為... 統壬寅張濟克饒州... 汝州防禦使... 討副使秦... 六月巢陷... 仁陷連州... 全... 為東面副都統... 辛未劉漢宏... 于樂兒... 八月辛卯... 卯祭王... 度使薛能... 牙將秦宗... 州... 馬都指揮... 都留守劉... 洛晉絳... 為太子賓... 戶部侍郎... 門下... 武官... 德... 瑒... 書... 射... 師... 御

之中丞承趙涼刑部侍郎李溥京兆尹李湯死于黃巢是歲
雨血于靖陵

中和元年正月壬子如成都壬申兵部侍郎判度支蕭遘

為工部侍郎同中書門下平章事丁丑次成都二月己卯

赦劍南三川大子少師王鐸為司徒兼門下侍郎同中書

門下平章事淮南節度使高駢為京城四面都統亦寧節

度使李存禮討黃巢鳳翔節度使鄭畋及巢戰于龍尾坡

敗之亦寧將王玫陷邠州戊戌清平鎮使陳晟執睦州刺

史韋諸自稱刺史三月辛亥黃巢陷鄧州執刺史趙戎辛

酉州及為京城四面行營都統甲子畋及涇原節度使

爽以河陽降四月戊寅王玫伏誅程宗楚朔方軍節度使

唐弘夫及黃巢戰于咸陽敗之壬午巢逃于灊上下亥復

入京師弘夫宗楚死之是月赦李國昌及其子克用以討

黃巢五月丙辰克用寇太原振武軍節度使契苾璋敗之

辛酉大風雨土是月劉巨容為南面行營招討使楊復光

克鄧州六月癸賊鍾全文陷明州辛卯邠寧節度副使朱

致及黃巢戰于興平敗績戊戌鄭畋為司空兼門下侍郎

同中書門下平章事京城四面行營都統丙午李克用陷

忻代二州七月丁巳大赦改元庚申翰林學士承旨兵部

待郎韋昭度同中書門下平章事丙寅神策軍將郭琪反
伏誅辛未由令殺殺左拾遺孟昭圖義武軍節度使王處
存為東川節度使八月感化軍將時溥逐其節度
使支詳自稱留後昭義軍節度使高潯及黃巢戰于石橋
敗績十將成麟殺潯入于潞州己丑衆星隕于成都九月
丙午鄜延度使李孝章復綏銀節度使拓拔思恭及黃
巢戰于東川獨敗績臨海賊杜雄陷台州辛酉封子震為
建王己巳昭義軍戍將孟方立殺成麟自稱留後永嘉賊
朱褒陷温州是秋河東霜殺禾十月鳳翔行軍司馬李昌

言使與西賊未清四節遂自三州進軍州十一月李昌言為鳳翔節度使行營招

閔頊逐湖南觀察使李裕自稱留後是歲霍丘鎮使王結
陷壽光二州
二年正月辛亥王鐸為諸道行營都都統承制封拜太子
少師崔安濟劉之高駙都統辛未王處存為京城東面
都統李孝章為西面都統拓拔思恭為南面都統二月甲
戌黃巢陷同州己卯李少傅公可東都都統為司空兼
門下侍郎同中書門下平章事丙寅李昌言為京城西面
都統郭崇節度使李致為河南都統孟昭圖為過使二月甲
卯蠻阡能叛五川劫嘉州行遠討之辛酉八月蜀州六月

朱攻靈武城西四面行營都統楊行遷及所能擊之乾溪
敗穎已亥荆南監軍朱敬玢殺其節度使段彥謩尹李
燦自稱留後七月係大面度留後東方遠為京東回
行營招討使撫州刺史鍾傳陷洪州江西觀察使向茂卿
奔于江州八月丁巳東方遠為京城東北四面行營都統拓
拔思共為京城四面都統魏博節度使韓簡陷孟州九月
丙戌黃巢將朱溫以同州降之亥溫為右金吾衛大將軍
河中行營招討副使是月太原桃李實鎮南西道軍亂逐
其節度使張從訓平盧軍將王敬武逐其節度使安師雲

平盧節度使張全一
孟州十一月朔南軍亂牙將陳儒自稱留後丙子湯群伏

誅走咸關中大饑南城賊危全諷陷撫州危仔倡陷信州
廬州將楊行弼逐其刺史郎幼復和州刺史秦彥逵宣歙
觀察使竇滂

三年正月馮明節度使李克用為京城東北四面行營都統
乙亥王鐸罷二月魏博軍亂殺其節度使韓簡其弟樂彦
禎自稱留後己未建王襄為太保三月天有彗于初西壬
申李克用及黃巢戰于零口敗之四月甲辰又敗之于渭
橋丙午復京師五月鄭畋為司徒東都留守檢校司空鄭

從讓為司空中書門下平章事淮南將張環白州奉
國軍節度使秦宗權叛附平章事七月宣武軍節度副大
使朱全忠為東北面都招討使鄭元武軍節度副大
將韓師德臨岳州九月武寧軍節度使時溥為東西兵馬
都統是秋晉州地震十月全椒賊許勅陷滁州李吉用陷
潞州刺史李殷銳死之十一月壬申劔南西川行軍司馬
高仁厚及解能戰于邛州敗之十二月忠武軍將鹿晏弘
逐興元節度使牛勗自稱留後是歲天平軍將曹存實克

四年正月婺州將王鎮執其刺史黃碩叛附于董昌二月
鎮伏誅浦陽將蔣瓌臨婺州舒州賊吳迴逐其刺史高瀛
三月甲子劔南東川節度副大使楊師立反西川節度使
陳敬瑄為西川東川山南西道都指揮招討使前杭州刺
史路審中陷鄂州五月辛酉朱全忠及黃巢戰敗之辛未
河東節度使李克用及巢戰于宛句敗之癸酉高仁厚為
劔南東川節度使以討楊師立壬午福建團練副使陳巖
逐其觀察使鄭鑑自稱觀察使六月乙卯赦劔南三川瘞
京畿骸骨七月辛酉揚師立伏誅壬午黃巢伏誅九月山
南西道節度使鹿晏弘反十月蕭道為司空十一月鹿晏

弘陷許州殺節度使周岌自稱留後十二月甲午荆南行
軍司馬張琛逐其節度使陳儒自稱留後盜殺義昌軍節
度使王鐸是歲明中大饑濮州刺史朱宣逐天平軍節度
使曹存實自稱留後武昌軍將杜洪陷岳州

光啓元年正月庚辰荆南軍將成汭陷歸州是月王緒陷
汀漳二州南康賊盧光稠陷虔州三月丁卯至自成都已
巴大赦改元時溥爲蔡州四面行營兵馬都統蕭遘爲司
徒韋昭度爲司空四月吳迴伏誅秦宗權陷襄州山南東
道節度使劉巨容奔于成都武當賊馮行襲陷均州逐其
刺史呂憐五月羣臣上尊號曰至德光烈皇帝六月幽州

盧龍軍亂殺其節度使李可舉其將李全忠自稱留後

戊秦宗權陷東都七月義昌軍亂逐其節度使楊全玖牙
將盧彥威自稱留後八月光州賊王潮執王緒甲寅殺右
補闕常濬樂彥植殺洛州刺史馬爽九月河中節度使王
重榮反邠寧節度使朱玫討之十月癸丑朱全忠及秦宗
權戰于雙丘敗績十一月河東節度使李克用叛附于王
重榮重榮及克用寇同州刺史郭璋死之十二月癸酉朱
玫及王重榮李克用戰于沙苑敗績乙亥克用犯京師丙
子如鳳翔

二年正月辛巳鎮海軍將張郁陷常州戊子如興元癸巳

朱玫叛寇鳳翔二月鄭從謹爲大傅三月壬午山南西首節
度使石君涉奔于鳳翔遂州刺史鄭君雄陷漢州丙申次
興元戊戌御史大夫孔緯翰林學士承旨兵部尚書杜讓
能爲兵部侍郎同中書門下平章事是春成都地震鳳翔
女子化爲丈夫四月乙卯朱玫以嗣襄王煜入于京師五
月丙戌有星孛于箕尾武寧軍將丁從實陷常州逐其刺
史張郁六月淮西將黃皓殺欽化軍節度使閔珣衡州刺
史周岳陷潭州自稱節度使七月秦宗權陷許州忠武軍
節度使鹿晏弘死之八月王潮陷泉州刺史廖彥若死之
幽州盧龍軍節度使李全忠卒其子匡威自稱留後九月
丙午嗣襄王煜自立爲皇帝尊皇帝爲太上元皇聖帝朱
全忠陷滑州執武寧軍節度使安師儒丙辰杭州刺史董
昌攻越州浙東觀察使劉漢宏奔于台州是月河陽節度
使諸葛爽卒其子仲方自稱留後神策行營先鋒使滿存
克興鳳二州威靈軍節度使楊晟陷文州武寧軍將張雄
陷蘇州十一月庚子秦宗權陷鄭州十二月魏州地震丙
午台州刺史杜勣執劉漢宏降于董昌昌自稱浙東觀察
使丙辰朱玫伏誅丁巳煜伏誅秦宗權陷孟州諸葛仲方
奔于六州是歲天平軍將文德遜奉寧軍節度使齊元讓

自稱留後湘陰賊歐進恩陷岳州杜洪陷鄂州自稱武昌
軍節度留後

三年三月癸未李勣遣裴澈兵部侍郎鄭元圖有

辰如鳳翔鄭從謹罷韋昭度為司徒癸酉鎮海軍將劉浩

逐其節度使周實度支催勣使薛明自稱知府事四月甲

辰六合鎮遏使徐約陷蘇州逐其刺史張雄甲子淮南兵

馬使畢師鐸陷揚州執其節度使高駢是月維州山崩五

月甲戌宣歙觀察使秦彥入于揚州癸未秦宗權陷鄭州

六月陷孟州河陽將李罕之入于孟州張全義入于東都

州壬子武定軍節度使李茂貞為隴州討使丁巳

軍將常行儒殺其節度使王重榮其兄重盈自稱留後壬

戌亳州將謝殷逐其刺史宋衮七月丁亥降死罪以下貞

觀開元建中興元功臣後予一子九品正員官減常膳三

次一賜民九十以上粟帛二月李昌符伏誅八月韋昭度

為太保壬寅謝殷伏誅朱全忠陷亳州壬子陷曹州刺史

丘弘禮死之九月戶部侍郎判度支張濬為兵部侍郎同

中書門下平章事秦彥殺高駢十月丁未朱全忠陷淮州

甲寅封子陸為帝乙卯刺史錢鏐陷常州丁卯鏐殺周

寶具月秦宗權將孫勣寇州十一月壬申盧州刺史楊

行密陷揚州秦彥畢帥鐸秦孫四十二月癸巳淮西將
趙德諱陷江時荆南節度使張瓌之朱全忠為東南面
招討使鏡州刺史陳儒陷衢州上禁賊馮敬章陷蘄州
文德元年正月丙寅孫信殺秦彥畢帥鐸癸亥朱全忠為
禁州四面行營都統丙寅許明伏誅鏡州潤州二月乙
亥不豫己丑至自鳳翔庚寅謁于太廟大赦改元是月魏
博軍亂殺其節度使孫其將羅弘信自稱權知留後
三月戊戌朔日不食之既壬寅疾大漸立壽王傑為皇太
弟知軍國事癸卯皇帝崩于武德殿年二十七

贊曰唐自穆宗以來八世而為宦官所立者七君然則唐

之衰亡豈止一方鎮之患蓋朝廷天下之本也人君若朝廷
之本也始即位者人君之本也其本始不正欲以正天下
其可得乎懿僖當唐政之始衰而以民庸相繼乾符之際
歲大旱蝗民愁盜起其亂遂不可復支蓋亦天人之會歟

本紀第九

本紀第十

唐書十

歐陽脩奉

勅撰

昭宗聖穆景文孝皇帝諱暉憲宗第三子也母曰恭憲皇
 太后王氏始封壽王乾符三年領幽州盧龍軍節度使僖
 宗遇亂再出奔壽王握兵侍左右尤見倚信文德元年三
 月僖宗疾大漸羣臣以吉王長且欲立之觀軍容使楊復
 恭率兵迎壽王立為皇太后改年號乙巳即皇帝位于柩
 前四月戊辰孫儒陷揚州自稱淮南節度使楊行密奔于
 廬州庚午追尊母為皇太后韋昭度在中書令孔緯為司
 空乙亥張全義陷益州李罕之奔秦州成汭陷江陵自

稱留後辛卯朱全忠及秦宗權戰于蔡州五月壬寅
趙德諱以襄州降以德諱為忠義軍節度使蔡州四面行
營副都統六月閬州防禦使王勣降漢州執刺史張頊
寇成都韋昭度能為劍南西川節度副大使兼兩川招撫
制置使十月陳敬瑄反辛卯葬惠聖恭安孝皇帝于靖陵
十一月丙申秦宗權降許州執忠武軍節度使王縝辛酉
奉國軍將由叢執秦宗權十二月丁亥韋昭度為行營招
討使及永平軍節度使王 討陳敬瑄山南西道節度使
楊守厚降夔州

龍紀元年正月癸巳大赦 元翰林學士承旨兵部侍郎

留崇望同中書門下平章事壬子二月軍將郭璠殺奉國
軍留後申叢自稱留後一月戊辰朱全忠俘秦宗權以獻

己丑宗權伏誅三月孔勣為司徒杜讓為司空丙申錢
鏐陷蘇州逐刺史徐約六月李克用寇滑州昭義軍節度
使孟方立卒其弟遷自稱留後揚行密陷 巨州宣歙觀察
使趙鍾珩之廬州刺史蔡儔叛附王孫儒八月甲戌孟遷
叛附于李克用十月平盧軍節度使王敬武卒其子師範
自稱留後陷棗州刺史張蟾死之宣武觀音後劫于密陷
常州刺史杜陵死之錢鏐陷潤州十一月丁未朝獻于太
清宮戊申朝享于太廟己酉有事于南郊大赦十一月孫

儒陷常潤二州戊午孔緯為太保杜讓能為司徒壬申眉
州刺史山行章叛附于王建

大順元年正月戊子羣臣上尊號曰聖文睿德光武弘孝

皇帝大赦改元壬寅簡州將杜有遷執其刺史真虔嵩叛

附于王建二月己未賓州將侯元綽執其刺史揚戡叛附

于建三月戊申昭義軍節度使李克脩卒其弟克恭自稱

留後四月丙辰宿州將張筠逐其刺史張紹光丙寅嘉州

刺史朱實叛附于王建丙子戎州將文武堅執其刺史謝

承恩叛附于建五月張濬為河東行營都招討宣慰使京

兆尹孫揆副之幽州盧龍軍節度使李匡威為北面招討

使雲州陽德使赫連鐸副之朱全忠為南面招討使王鎔

為東面招討使以討李克用壬寅昭義軍將安居受殺其

節度使李克恭恭叛州于朱全忠癸丑劍南東川節度使顧

彥朗卒其弟彥暉自稱昭後六月辛酉雅州將謝從本殺

其刺史張承簡叛附于王建辛未朱全忠為河東東面行

營招討使是月河東將安元建以邢洺磁三州叛附于全

忠七月楊行密陷潤州八月李克用執昭義軍節度使孫

揆八月錢鏐殺蘇州刺史杜彥休楊行密陷蘇州淮南節

度使孫儒陷潤州庚午朱全忠為中書令九月李克用陷

潞州楊行密陷潤常二州閏月孫儒陷常州壬戌邛州將

任可知殺其刺史毛湘丁未癸未蜀州刺史李行周叛附于王建李克用陷邢洛以三州十一月丁卯李匡威陷蔚州是月張濬及李克用戰于陰地敗績孫儒陷蘇州十二月李克用陷晉州

二年正月庚申孔緯張滂罷翰林學士承旨兵部侍郎崔昭緯御史中丞徐彥若為戶部侍郎同中書門下平章事甘露鎮使陳一可言陷常山州錢鏐陷蘇州二月乙巳赦陳敬瑄丁未詔王全斌罷兵不出命是春淮南大饑四月庚辰有彗星入于太極甲申大赦避正殿減膳徹樂賜兩軍金帛贖所略男女還其家民年八十以上及疾不能自存者長吏有郵訪功德功臣子孫癸卯王建寇成都五月孫儒陷

和淦二州六月陽行密陷和淦二州丙午封子祐為德王七月李克用陷雲州防禦使赫連鐸奔于退渾孫儒焚揚州以逃八月廣子王建陷成都執劍南西川節度使陳敬瑄自稱留從于十月壬午朱全忠陷宿州十一月己未曹州將郭銖殺其刺史郭詞叛附于全忠辛未全忠陷壽州景福元年丁巳己未朱全忠陷孟州逐河陽節度使趙克裕丙寅大赦改元二月劉宗望罷錢鏐陷蘇州甲申朱全忠寇鄆州壬午平軍節度使朱宣敗之三月戶部尚書鄧延昌為中書侍郎同中書門下平章事乙巳揚行密陷楚州

執刺史劉璿文陷常州刺史陳可言死之丙辰武定軍節

度使楊守忠龍劔節度使楊守貞會楊守厚兵寇梓州丙

寅福建觀使陳巖卒護閩都將范暉自稱留後庚午泉

州刺史王潮寇福州四月辛巳杜讓能為太尉六月戊寅

楊行密陷揚州己巳鳳翔隴右節度使李茂貞陷鳳州感

義軍節度使滿存奔于興元遂陷興洋二州八月壬申寇

興元楊守亮滿存奔于湖州丙戌降京畿關輔囚罪免淮

南浙西宣州蒲負十月蔡儔以廬州叛附于朱全忠河東

將李存孝以邢州叛附于全忠十一月有星孛于斗牛

武寧軍將張彥諫以濠泗二州叛附于朱全忠乙巳

朱友裕陷濮州執刺史邵儒孫儒將王壇陷婺州刺史蔣

瓌奔于越州是歲明州刺史鍾文季卒其將黃晟自稱刺

史

二年正月徐彥若罷為鳳翔隴右節度使李茂貞為山南

西道節度使茂貞不受命二月楊行密陷常州三月辛酉

幽州盧龍軍兵馬留後李匡籌逐其兄匡威自稱節度留

後四月乙亥王建殺陳敬瑄及劔南西川監軍田令孜乙

酉有彗星入于太微丁亥王鎔殺李匡威戊子朱全忠陷

徐州武寧軍節度使時溥死之五月庚子王潮陷福州范

暉死之潮自稱留後七月楊行密陷廬州蔡儔死之八月

丙申嗣覃王嗣周為京西路招討使神策大將軍李錡副之以討李茂貞庚子昇州刺史張雄卒其將馮弘鐸自稱刺史是月楊行密陷歙州九月壬午嗣覃王嗣周及李茂貞戰于興平敗績甲申茂貞犯京師乙酉茂貞殺觀軍容使西門重遂內樞密使李周謹段訥貶杜讓能為梧州刺史壬辰東都留守檢校司徒韋昭度為司徒御史中丞崔胤為戶部侍郎同中書門下平章事是月昇州刺史馮弘鐸叛附于楊行密十月乙未殺杜讓能及戶部侍郎杜弘徽楊行密陷舒州十二月韋昭度為太傅邵州刺史鄧處訥陷潭州欽化軍節度使周岳死之處訥自稱留後是歲

建州刺史徐勣範汀州刺史鍾全慕叛附于王溥

乾寧元年正月有星孛于鶉首乙丑大赦改元李茂貞以兵來朝二月右散騎常侍鄭繁為禮部侍郎同中書門下平章事彰義軍節度使張鈞卒其兄鐸自稱留後三月甲申李克用寇邢州執李存孝殺之五月丙子王建陷彭州威戎軍節度使楊晟死之是月鄭延昌罷孫儒將劉建鋒馬殷陷潭州武安軍節度使鄧處訥死之建鋒自稱留後武岡指揮使蔣勳陷邵州六月大同軍防禦使赫連鐸及李克用戰于雲州死之戊午翰林學士承旨禮部尚書李璣同中書門下平章事庚申璣罷御史大夫徐彦若為中

書侍郎同中書門下平章事七月以雨霖避正殿減膳鄭
 祭罷李茂貞陷閬州八月楊守亮伏誅癸巳減京畿興元
 洋金商州賦役九月庚申李克用陷潞州昭義軍節度使
 康君立死之十月丁酉封子初為棣王禊沂王禕
 遂王十一月李克用陷武州十二月陷新州甲寅幽州盧
 龍軍節度使李匡籌奔于滄州義昌軍節度使盧彥威殺
 之丙辰李克用陷幽州是冬楊行密陷黃州執刺史吳討
 二年正月己巳給事中陸希聲為戶部侍郎同中書門下
 平章事壬申護國軍節度使王重盈卒其子珂自稱留後
 二月乙未太子太傅李璣為戶部侍郎同中書門下平章

事三月崔胤李璣罷戶部侍郎判戶部王搏為中書侍郎
 同中書門下平章事楊行密陷濠州執刺史張璠庚午河
 東地震四月蘇州大雨雪陸希聲奉昭度罷秦寧軍節度
 使朱瑾及朱全忠戰于高梧敗績其將安福慶死之楊行
 密陷壽州執刺史江從勗五月甲子靜難軍節度使王行
 瑜鎮國軍節度使韓建及李茂貞犯京師殺太保致仕韋
 昭度太子少師李璣是月李克用陷絳州刺史王瑤死之
 六月庚寅鎮海軍節度使錢鏐為浙江東道招討使癸巳
 吏部尚書孔緯為司空兼門下侍郎同中書門下平章事
 七月丙辰李克用以兵屯于河中戊午匡國軍節度使王

行約奔于京師庚申左右神策軍護軍中尉駱全瓘劉景
宣指揮使王行實李繼鵬反行在沙城嗣薛王知柔權知
中書事壬戌李克用陷同州甲子次石門前護國軍節度
使崔胤爲中書侍郎同中書門下平章事八月戊戌李克
用爲邠寧四面行營招討使保大軍節度使李思孝爲北
回招討使定難軍節度使李思諫爲東北回招討使彰義
軍節度使張鐠爲西面招討使辛丑李克用爲邠寧四面
行營都統李繼鵬伏誅赦李茂貞辛亥至自石門壬子崔
昭緯罷九月丙辰徐彥若爲司空癸亥孔緯薨前昭義軍
節度使李罕之爲邠寧四面行營副都統十月京兆尹孫
偃爲戶部侍郎同中書門下平章事丙戌李克用及王行
瑜戰于梨園敗之庚寅王行約焚寧州以逃義武軍節度
使王處存卒其子部自稱留後十一月丁巳李克用及王
行瑜戰于龍泉敗之辛酉衢州刺史陳儒卒其弟岌自稱
刺史丁卯王行瑜伏誅壬申齊州刺史朱瓊叛附于朱全
忠丁丑王建陷利州刺史李繼顯死之十二月癸未赦京
師復大順以來削奪官爵非其罪者甲申閬州防禦使李
繼雍蓬州刺史費存渠州刺史陳璠叛附于王建丙申建
寇梓州戊辰通州刺史李彥昭叛附于建是歲安州防禦
使宣晟陷桂州靜江軍節度使周元靜部將劉士政死之

晟自稱知軍府事

三年正月癸丑王建陷龍州刺史田昉死之閏月丁亥果
州刺史周雄叛附于建四月壬子武安軍亂殺其節度使
劉建峯其將馬殷自稱留後五月癸未楊行密陷蘇州執
刺史成及陷光州刺史劉存死之庚寅成汭陷黔州武泰
軍節度使王建肇奔于成都乙未董昌伏誅是月蘄州刺
史馮行章叛附于楊行密六月庚戌李茂貞犯京師嗣延
王戒不禦之丙寅及茂貞戰于婁館敗績七月癸巳行在
渭北甲午韓建來朝次華州乙巳崔胤罷丙午翰林學士
承旨尚書左丞陸扆為戶部侍郎同中書門下平章事八
月甲寅王搏罷乙丑國子毛詩博士朱朴為左諫議大夫
同中書門下平章事九月乙未武安軍節度使崔胤為中
書侍郎翰林學士承旨戶部侍郎崔遠同中書門下平章
事丁酉貶陸扆為峽州刺史十月李克用及羅弘信戰于
白龍潭敗之壬子孫偁持節鳳翔四面行營節度諸軍都
統招討處置使戊午威勝軍節度使王搏為吏部尚書同
中書門下平章事十一月戊子忠國軍節度使李師悅卒
其子繼徽自稱留後

四年正月乙酉韓建以兵圍行宮殺扆蹕都將李筠丙申
朱全忠陷鄆州天平軍節度使朱宣死之己亥孫偁罷都

統二月朱全忠寇兗州泰寧軍節度使朱瑾奔于淮南其子用貝以兗州叛附二全忠全忠陷沂海密三州保義軍節度使王珙寇河中韓建殺太子詹事馬道殷將作監許巖士楊行密為江南諸道行營都統癸二王建陷瀘州刺史馬敬儒死之己未立德王裕為皇太子大赦饗于行廟辛未王建陷渝州乙亥孫偓朱朴罷五月壬午朱全忠陷黃州刺史龔璋死之六月貶王建為南州刺史以李茂貞為劔南西川節度使嗣覃王嗣周為鳳翔隴右節度使茂貞不受命嗣周及茂貞戰于奉天敗績八月韓建殺通王茲沂王禋詔王彭王嗣韓王嗣陳王嗣覃王嗣周嗣延王戒丕嗣丹王允九月錢鏐陷湖州忠國軍節度使李繼徽奔于淮南彰義軍節度使張璉為鳳翔西北行營招討使靜難軍節度使李思諫為鳳翔四面行營副都統以討李茂貞十月壬子遂州刺史侯紹叛附于王建乙卯合州刺史王仁威叛附于建庚申建陷梓州劔南東川節度使顧彥暉死之甲子封子祕為景王祚輝王祺祁王十一月癸酉楊行密及朱全忠戰于清口敗之丙子錢鏐陷台州十二月丁未威武軍節度使王潮卒其弟審知自稱留後光化元年正月徐彥若為司徒二月赦李茂貞三月幽州盧龍軍節度使劉仁恭之子守文陷滄州義昌軍節度使

盧彥威奔于汴州四月丙寅立淑妃何氏為皇后五月巳
巳大赦辛未朱全忠陷洛州刺史邢善益死之又陷邢州
壬午陷磁州刺史袁奉韜死之是月馬殷陷邵衛永三州
刺史蔣勛楊師遠唐旻死之七月丙申朱全忠陷唐州又
陷隋州執刺史趙匡璘八月戊午陷鄧州執刺史國湘壬
戌至自華州甲子大赦改元九月丙子有星隕于北方甲
申錢鏐陷蘇州十月魏博節度使羅弘信卒其子紹威自
稱留後巳亥朱全忠陷安州刺史武瑜死之十一月衢州
刺史陳岌叛附于楊行密甲寅封子禛為雅王祥瓊至十
二月癸未李罕之陷潞州自稱節度留後李克用陷澤州
二年正月乙未給復綿劍二州二年丁未崔胤罷兵部尚
書陸扆同中書門下平章事是月李罕之陷沁州劉仁恭
陷貝州二月甲子朱全忠陷蔡州奉國軍節度使崔洪奔
于淮南三月丁巳全忠陷澤州六月丁丑保義軍亂殺其
節度使王珙其將李瑤叛附于全忠七月壬辰海州戍將
陳漢賓以其州叛附于楊行密馬殷陷壽州刺史蔡結死
之八月李克用陷澤潞懷三州十一月徐彥若為太保王
搏為司空馬殷陷郴連二州刺史陳景仁死之辛
丑保義軍將朱簡殺其節度使李瑤叛附于朱全忠
三年四月辛未皇太后及皇太子享于太廟六月丁卯清海

軍節度使崔胤為尚書左僕射兼門下侍郎同中書門下
平章事王持寵已巳殺之七月浙江溢八月庚辰李克用
陷洛州執刺史朱紹宗九月朱全忠陷洛州錢鏐陷婺州
刺史王壇奔于宣州衢州刺史陳岌叛附于錢鏐乙巳徐
彥若罷丙午崔遠罷戊申刑部尚書裴贄為中書侍郎同
中書門下平章事甲寅朱全忠陷瀛州十月丙辰陷景州
執刺史劉仁霸李西陷莫州辛巳陷祁州刺史楊約死之
甲申陷定州義武軍節度使三部奔于太原十一月己丑
左右神策軍中尉劉季述王仲先內樞密使王彥範薛齊
偓作亂皇帝居于少陽院辛卯季述以皇太子裕為皇帝

丁未太白書見十二月劉季述殺駐王倚是歲馬殷陷桂
宜巖柳象五州睦州刺史陳晟卒其弟詢自稱刺史
天復元年正月乙酉左神策軍將孫德昭董彥弼周承誨
以兵討亂皇帝復于位劉季述薛齊偓伏誅降封皇太子
裕為德王戊申朱全忠陷絳州壬子崔胤為司空朱全忠
陷晉州二月甲寅以旱避正殿減膳戊辰朱全忠陷河中
執護國軍節度使王珂辛未封全忠為梁王是月翰林學
士戶部侍郎王溥為中書侍郎吏部侍郎裴樞為戶部侍
郎同中書門下平章事二月辛亥昭義軍節度使孟遷叛
附于朱全忠四月壬子全忠陷沁澤二州丁巳儀州刺史

張鄂叛附于全忠甲戌享于太廟丙子大赦改元武德貞
觀配饗功臣王系子孫叙進之介公鄴公後子一子九品
正負官免光化以來畿內通負五月李茂貞來朝六月李
克用陷隰慈二州十月戊戌朱全忠犯京師十一月己酉
陷同州壬子如鳳翔丁巳朱全忠移華州鎮國軍節度使
韓建叛附于全忠辛酉兵部侍郎盧光啟權句當中書事
癸亥李茂貞及朱全忠戰于武功敗績丁卯盧光啟為右
諫議大夫參知機務戊辰朱全忠犯鳳翔辛未陷邠州靜
難軍節度使李繼徽叛附于全忠甲戌崔胤裴樞罷十二
月鍾傳陷吉州是歲清海軍節度使徐彥若卒行軍司馬
後

和幼田後正負軍節度使雷浦卒其子彥威自稱留

二年正月丁卯給事中韋貽範為工部侍郎同中書門
平章事丙子給事中嚴龜為沂州和協使二月己亥盜發
簡陵王建陷利州昭武軍節度使李繼忠奔于鳳翔二月
庚戌晝晦癸丑朱全忠陷汾州乙卯浙西大雨雪戊午朱
全忠陷慈隰二州丁卯李克用陷汾慈隰三州四月盧光
啟罷丙申温州刺史朱褒卒其兄教自稱刺史揚行密陷
昇州五月丙午李茂貞及木全忠戰于武功敗績庚午韋
貽範罷六月丙子中書舍人蘇檢為工部侍郎同中書門

下平章事丙戌朱全忠陷鳳州七月甲辰陷成州乙巳陷隴州八月己亥韋貽範起復辛丑王建陷興元山南西道節度使王萬弘叛附于建九月戊申李茂貞朱全忠戰于槐林敗績武定軍節度使拓拔思恭叛附于王建十月癸酉楊行密為東面諸道行營都統及湖南節度使討朱全忠王建陷興州十一月癸卯保大軍節度使李茂勳以兵援鳳翔丙辰韋貽範薨十二月癸巳温州將丁章逐其刺史朱敖己亥朱全忠陷鄜州保大軍節度使李茂勳叛附于全忠是歲盧光稠陷韶州岳州刺史鄧進思卒其弟進志自稱刺史

三年正月丙午平盧軍節度使王師範取兗州戊申殺左右神策軍護軍中尉韓全胤張彥弘內樞密使袁易簡周敬容辛亥翰林學士姚洎命沐岐和協使上子工部尚書崔胤為司空兼門下侍郎中書門下平章事甲子幸朱全忠軍已巳至自鳳翔癸丁太廟大赦庚午崔胤及朱全忠殺中官七百餘人辛未判六軍十二衛軍事伏誅二月丙午甲戌陸扆為力主傳分司京師丙子王溥罷朱全忠殺蘇檢吏部侍郎王彥休庚戌寅降京畿河中鳳翔興德府同州鄜州死罪以下己卯輝王祚為諸道兵馬都元帥庚辰朱全忠為太師中書令副之崔胤為司徒乙

未清海軍節度使裴樞為門下侍郎同中書門下平章事
三月朱全忠陷青州楊行密陷密州刺史劉康乂死之四
朱全忠判元帥府事五月壬子荆南節度使成汭
及楊行密戰于君山死之武貞軍節度使雷彥成之弟彥
恭陷江陵六月乙亥朱全忠陷登州九月楊行密殺奉國
軍節度使朱延壽辛亥朱全忠陷棣州刺史邵播死之陷
密州戊午平盧軍節度使王師範叛附于全忠十月忠義
軍將趙匡明陷江陵自稱留後王建陷忠萬施三州甲戌
陷夔州丁丑平盧軍將劉鄩以兗州叛附于朱全忠十二
月裴贇罷楊行密陷宣州監國軍節度使田頌死之辛巳

禮部尚書獨孤損為兵部侍郎同中書門下平章事丙申
朱全忠殺尚書左僕射致仕張濬

天祐元年正月乙巳崔胤罷裴樞判左三軍事獨孤損判
右三軍事兵部尚書崔遠為中書侍郎翰林學士右拾遺
柳璨為右諫議大夫同中書門下平章事己酉朱全忠殺
太子少傅崔胤及京兆尹鄭元規威遠軍使陳班戊午全
忠遷唐都于洛陽二月丙寅日中見北斗戊寅次陝州朱
全忠來朝甲申封子禎為端王祁豐王福和王禧登王祐
嘉王三月丁未朱全忠兼判左右神策及六軍諸衛事閏
四月壬寅次穀水朱全忠來朝甲辰至自西都享于太廟

大風雨土乙巳大赦改元六月靜難軍節度使楊崇本會
李克用王建兵以討朱全忠七月乙丑全忠以兵屯于河
中八月壬寅全忠以左右龍武統軍朱友恭氏叔琮樞密
使蔣玄暉兵犯宮門是夕皇帝崩年三十八明年起居郎
蘇楷請更謚恭靈莊閔廟號襄宗至後唐同光初復故號
謚云

昭宣光烈孝皇帝諱祝昭宗第九子也母曰皇太后何氏
始封輝王朱全忠已弑昭宗矯詔立為皇太子監軍國事
天祐元年八月丙午即皇帝位于柩前衢州刺史陳璋
州刺史陳詢叛附于楊行密九月庚午尊皇后為皇太后

十月辛卯朔日有食庚辰朱全忠來朝甲午全忠殺朱

友恭氏叔琮十一月全忠陷光州是歲虔州刺史盧光稠

率衙將李圖自稱知州事

二年正月盧約陷溫州楊行密殺平盧軍節度使安仁義

丁丑盜焚乾陵下宮二月楊行密陷鄂州武昌軍節度使

杜洪死之戊戌朱全忠殺德王裕及棣王祁虔王禔遂王

禕景王祕祁王祺瓊王祥乙酉葬聖穆景文孝皇帝于和

巖二月甲子蔡樞罷戊寅獨孤損罷禮部侍郎張文蔚同

中書門下平章事甲申憲憲罷吏部侍郎楊涉同中書門

下平章事四月乙未以旱避正殿減膳庚子有彗星出于

西北甲辰出子北河辛亥降京畿死罪以下給復山陵役
者一辛五月王建陷金州我昭軍節度使為行襲奔二均
州一月行襲克金州楊行密陷安州執刺史沈夏戊子朱
全忠殺裴樞及靜海軍節度使周孤損立僕射崔遠去部
尚書陸辰工部尚書王溥司空致仕裴贄檢校司空兼太
子太保致仕趙崇兵部侍郎王贊七月卜郊岳州刺史鄧
進忠叛附于馬殷九月甲子朱全忠陷襄州忠義軍節度
使趙匡凝奔工淮南丙寅封吳越為親王祐蔡王朱全忠
陷江陵留後趙匡明奔于成都乙酉改卜郊十月丙戌朱
全忠為諸道兵馬元帥十一月庚午三下郊南公辰淮南

度使楊行密卒以其子渥為淮南節度副大使東面諸道
行營都統辛巳朱全忠為相國總百揆封魏王十二月乙
未全忠為天下兵馬元帥殺蔣玄暉及豐德庫使應瑒尚
食使朱建武癸卯柳璨為司空戊申朱全忠弒皇太后辛
亥罷郊癸丑貶柳璨為登州刺史甲寅殺璨及太常卿張
廷範

三年正月壬戌淮南將王茂辛以宣歙二州叛附于錢鏐
二月楊渥陷岳州癸巳王建歸州四月癸未朔日有食
之鎮南軍節度使鍾仁卒其子匡時自稱留後六月錢鏐
陷衢睦二州刺史陳頔陳詢奔于淮南七月楊渥陷饒州

八月癸未朱全忠陷相州九月移遷陷洪州執鍾匡時乙亥匡國軍節度使劉知俊陷坊州執刺史劉彥暉十月辛巳楊崇本會鳳翔涇原鄜延秦隴兵以討朱全忠戰于美原敗績十一月忠國軍節度使高彥卒其子澧自稱留後閏十二月戊辰李克用陷潞州昭義軍節度使丁會叛附于克用乙亥震雷雨雪

四年三月劉守元囚其父仁恭自稱幽州盧龍軍節度使四月戊午錢鏐陷温州甲子皇帝遜于位徙于曹州號濟陰王梁開平二年二月遇弒年十七諡曰哀帝後唐明宗追諡昭宣光烈孝皇帝陵曰溫陵

贊曰自古亡國未必皆愚庸暴虐之君也其禍亂之來有漸積及其大勢已去適丁斯時故雖有智勇有不能為者矣可謂真不幸也昭宗是已昭宗為人明雋初亦有志於興復而外患已成內無賢佐類亦慨然思得非常之材而用匪其人徒以益亂自唐之亡也其遺毒餘酷更五代五十餘年至於天下分裂大壞極亂而後止跡其禍亂其積豈一朝一夕哉

Blank page with a small mark at the bottom left.

高林

高林
印

Table with multiple columns and rows, containing faint text and a large blue ink smudge.

